

清

史

稿

清史稿

災異志二

洪範曰火曰炎上火不炎上則爲咎徵凡恆燠草異羽蟲之孽羊舐其災火赤青赤祥皆屬之於火

順治十三年冬莊浪燠無雪十八年冬龍門無雪康熙二十一年冬西寧無雪二十七年冬天鎮無雪三十五年冬臨縣無雪四十一年冬平原燠如夏四十二年冬咸陽燠無雪五十九年冬浮山無雪乾隆四年冬彭澤元昌燠如夏人有衣單衣者四十九年冬蕩澤無雪五十七年冬蘇州無冰雪嘉慶三年冬桐鄉燠十三年冬昌黎無雪十八年冬鄖縣無雪二十年二月湖州大燠咸豐十一年冬皋蘭無雪同治元年冬黃縣大燠光緒元年冬望都撫寧無雪十四年冬皋蘭燠

順治三年五月邱縣雨麥六月潮陽雨豆十一年六月商州一蒂兩瓜大如斗十二年二月渭南天雨粟平樂天雨蕎麥三月鳳陽安西天雨莜麥豌豆五月

臨潼咸陽兩菽麥豌豆十四年二月婺源兩黍十五年冬昌化竹生實十八年
十月高要竹生實康熙二年十月阜陽兩粟粒若蕎麥圓小而堅味辛厚處盈
寸三年七月婺源大彭山竹生實形如麯民採而春食之厥味甘二十一年三
月溫州兩豆二十二年四月甯都天兩豆又兩黑黍二十六年二月合肥兩黑
豆二十八年正月含山兩小豆四十一年二月湖南竹生實四十四年三月葭
州兩黑豆四十五年春橫州竹生實六十年夏安化天兩蕃麥六十一年正月
大埔竹結實十一月岑溪枯竹開花雍正五年五月鍾祥竹開花十月當塗兩
紅綠豆形如小麥無蒂十年什縣兩蕎麥十一年二月山陽清河兩黑豆啖之
味苦十二年三月宜昌竹結實民採食之十三年七月夷陵竹生實如麥民競
採食之乾隆二年二月昌化兩豆六年十一月成縣竹生實十八年九月陽春
竹皆結實枯死二十二年正月永嘉東山竹結實如麥二十三年池州兩豆二
十六年安化兩蕃麥形似而小四十一年六月餘姚兩小麥黃豆嘉慶十二年
春黃陂兩豆道光二年夏黃岩天兩菽四年十月黃梅兩豆麥穀米十六年十

二月武寧雨豆二十年十一月鍾祥竹開花二十五年七月竹生米可食咸豐元年六月孝義廳山竹結實人採食青浦竹生花二年十一月太平雨豆四年二月隨州天雨豆四月黃岡雨黑豆食之味苦冬武昌縣雨黑豆五年正月初三日孝感天雨小豆二月又雨豆三月武昌天雨黑豆如槐實黃安雨豆夏黃州斬水雨豆如槐實十一月黃岡天雨豆如槐實歸州竹結實人採食之六年八月隨州雨豆八年二月興國雨豆色赤秋興山竹結實九年春麻城民間番瓜成人形十年龍泉雨豆色赤十一年三月麻城雨豆十二月溪梁雨豆色赤同治元年八月西寧丹噶廳竹開紅花灤州瓜蟲剖之有血食者立病三年正月永豐天雨豆五色斑爛三月景宣縣雨豆五月京山縣雨豆其色黑光六年二月棲雨草子如蕎麥夏棲縣雨豆七年樊城生豆如人面五官俱備九年十月遂昌雨穀外黑內紅德興雨豆內黑外白十一年三月即墨天雨紅豆蕎麥光緒二年四月青田雨豆九年三月咸寧雨紅麥十年八月孝義廳竹結實十一月洮州山竹開花結實

順治十四年武昌鴉啞火集人廬轍災一月始息康熙十六年海豐有異鳥集林中三日高六七尺舒吭丈餘啄雞兔以食居民舊擊之分啖其肉轍病死順治元年七月商州郊外見大羊色黃長丈餘百姓搏而殺之肉重五百斤四年五月山陰民家羊生羔三足前二後一五年杭州民家羊生羔三足康熙十二年北山民家產一羊一角一目隨斃二十四年順德羊生羔三足前一後二乾隆元年四月連州山羊入城蹄角甚巨人逐獲之五十五年雲夢見三足羊道光十七年八月武進民家產羊人首羊足墮地即斃咸豐十年八月江山西山白羊成羣倏不見同治三年寧州民家羊產一羔五角光緒九年九月孝義廳民家羊產羔人面羊身二十五年寧州民家羊產一羔兩首二十七年三月丹噶爾有一羊兩頭一羔三足三十三年甯州民家羊生羔人面

順治元年七月西鄉文廟火六年正月初六日無爲州城門大火八年七月嵐縣火焚民房十二年五月十八日梧州府城外大火十二月又大火十四年十月薪水火十五年連州大火十八年五月宜昌大火延燒民舍千餘間八月燄

縣城中大火康熙元年五月黃岡大火焚民房十之八九秋荊州大火燒民房殆盡十月興國火起自大西門延燒城中至大東門男婦死者以千計二年二月初三日海陽西郊火起延燒民房千餘家七月十五日黃岡大火燒民舍殆盡三年四月梧州府城外大火焚八百餘家五月海陽大火六月舍山鼓樓火四年正月京山火焚一百八十餘家十月懷遠大火自西城外至驛前延燒一百五十餘家十一月高州府城火合浦火焚民舍十二月廣州府城火五年正月海陽南北二廂火起延燒民房千餘間二月十三日鍾祥火燬數百家延及府署焚死人畜甚多二十八日城內外又燬數百家秋靈川北廂火起延燒民房殆盡十二月嚴州大火民房盡燬延燒城樓六年正月海陽城外田廂火起延燒民房千餘間死於火者二百餘人七年三月鄖陽府火民舍盡燬七月大治西市火延燒百餘家八月宣化城內火焚千餘家次日城外又焚百餘家八年二月海陽西北二廂火焚民房數百間三月鄖縣火十月獨山州大火仙居黃岩二縣火九年平樂南關火延燒四十家是年十二月至次年四月火灾

凡四見十年五月錢塘大火七月大治西市火九月初七日浦江太極宮大火
十一年三月縉雲大火延燒縣署十二年九月宣縣西門外沙市被火災四次
燬數百家十三年五月靜樂火燬民舍興國唐村火焚死二百三十七人五年
七月太平城內火燬民房過半十八年正月初三日望江吉水鎮火灾燬百餘
家六月順慶府治火十九年正月十五日平陽火燬民居過半三月初四日海
陽火延燒百餘家死者四十餘人七月和平城外火延燒百餘家二十年二月
東湖縣署火五月蒼梧東廊火八月濟甯州大堂火溫州火燬民舍五千餘間
九月永嘉城中大火燬民舍千餘間十月思州府火延燒五十餘家二十一年
春濟甯州城內東偏大火延及西隅民舍皆盡關壯繆侯祠亦燬獨神像香案
無恙八月池州天火燬田禾芋苗葉盡生煙十月萬載火延燒城隍廟連山西
郊火二十二年四月陽西門火二十三年七月長寧城隍廟火冬忠州石寶寨
火二十五年四月萬載火延燒城隍廟六合南門火焚市廛數百間二十六年
十月初一日平陽城樓火燔百餘家忠州石寶寨又火二十七年八月婺源火

延燒五十餘家十二月合浦西橋火郡城火二十八年九月己卯蒼梧西關火
十二月松陽火二十九年七月二十八日鄆都城內大火民居盡燬三十年十
月平樂火延燒二百餘家獨山州大火三十一年九月平陽城樓火三十二年
夏鎮安府署火延燒民居數十間九月平陽東門外火燔數十家三十四年正
月馬平南川河下火延燒大南門城樓三十五年七月江夏火起自火藥庫死
者無算八月陽高南街火三十七年二月漢陽漢口鎮火延燒數千家四十年
九月陽山火延燒二百餘家四十一年二月崖州火傷四人四十一年七月十
六日桐鄉青鎮火燔民舍一百七十餘家四十三年正月二十九日夜灌陽火
焚東門外民舍殆盡四十四年三月婺源太平坊火十一月武寧火四十五年
四月竹溪火官署民房俱燼四十六年正月初四日荔浦火初又火巴縣太平
門大火四十八年三月獨山州城內大火居民無得免者四十九年八月二十
五日嘉定火延燒七十餘家五十年正月大埔白堠城火燔民舍數百家五月
萬載潭埠火市店民房蕩然無存五十二年十一月宣平火五十三年九月初

八日宣化沙市火焚千餘家獨山州大火五十四年九月江陵火延燒二千餘家五十五年九月江陵又火延燒二十餘家死十一人思州府城大火延燒四十餘家五十六年五月初三日丹稜縣大火延燒數百家五十七年三月合肥城內大火延燒四十餘家八月初一日鍾祥城內火延燒城外民房數百間五十九年十月蒼梧西門外大火六十年四月十八日鹽山縣城火自學宮延燒東南北三門燬民居數千家六十一年二月無爲州小西門內火延燒三十餘家七月獨山州東門火冬麗水縣火雍正二年正月沔陽仙桃鎮大火焚百餘家死者甚衆七月梧州梧城驛火十月城內火十一月戎墟火十二月初一日開化城內火延燒百餘家三年六月梓潼縣文昌廟火七月馬平小南門火延燒三百餘家四年十二月初四日平陽西門外火燔百餘家五年十二月北流民舍失火延燒縣署案牘皆盡六年正月十六日夜蒼梧火延燒民居一百七十餘間高州城東火十月崑山火焚朝陽門譙樓七年九月蒼梧戎城火九年正月荊州大火十年五月初三日阜陽西城火延燒民舍四千六百十一間十

一年七月初七日玉屏聞空中有呼救火聲越半月鼓樓街災燒民居數百家
十三年冬婺源城隍廟災乾隆元年四月通州北郭火延燒百餘家十一月玉
屏南明火二年二月十八日鎮安府城火燔數百家三月乙丑同官明倫堂大
火五月沁州大街火九月北流典史署火延燒民舍三年十月初七日潮陽南
門火四年正月十七日瑞安大火燔百餘家四月十八日鎮安城內火延燒八
十餘家五年二月嵊縣火延燒二百餘家六年正月初六日梧州府南門外火
延燒民房三百餘家七年二月十四夜饒平縣城火延燒大樓房三十餘間小
屋無數八年十一月饒平縣又火十年二月庚午泰安縣署火延燒百餘家十
一年六月海豐龍津橋火延燒蓬舖四十餘間十二年八月化州南街火九月
豐順縣城火十一月初十日崖州東街火延燒七十餘家傷二人十五年四月
泰安火十七年正月朔漢陽糧船火焚數十艘四月桐鄉南柵大火燬市廛三
百餘家五月二十二日保昌孝悌街火延燒三十餘家十八年七月陸川大火
燬民居十月梧州府城外大火傷二十餘人十九年八月蒼梧府城外又火二

十年三月高州府城火五月又火二十二年十月宜昌東湖火燔民居無數二十三年三月初一日重慶太平門外大火四月獨山州大火二十四年十二月初八日惠來縣署火二十五年八月二十八日朝天千斯門內大火二十七年十月石門玉溪鎮火延燒百餘家二十八年十二月初五日慶元火延燒五十餘家二十九年五月沂水縣城南綢市街火延燒數百家十月婺源西關外居民失火延燒數百家三十年十月梧州府城外火三十一年十一月蒼梧戎城大火三次共燒民房六百餘家三十三年正月二十八日梧州府城外火延燒三百餘家三十八年七月金華府署火四十二年十二月青田城大火四十四年十一月初四日桐鄉大火燔市廛四十餘家四十六年夏陸川城南失火延燒縣署四十七年六月寧波府城火燬鼓樓四十八年五月庚子慶元火延燒百餘家四十九年四月朔成都大火延燒官署民舍殆盡五十年夏潛江城外火五十二年三月江陵城隍廟火五十五年三月義烏縣署火五十六年十二月南昌火延燒千餘家嘉慶三年二月丙子京師乾清宮火九年七月初三日

定海城中大火延燒二百餘家十三年五月十二夜濟南府西門大火延燒四百餘家十六年三月二十九日石門城西火十七年春齊東火燒死數百人十八年三月貴陽城大火二十年四月尚山火十二月二十日蘭州西門火藥局焚軒轅城樓民舍死者數十人二十二年八月黃陽火燒民舍一百餘家二十四年閏四月青田火延燒二百餘家五月青浦城火延燒七十餘家道光二年六月十一日大浦南門外火延燒兩晝夜九年七月十三日江山江郎山火延燒兩晝夜十年八月鉛山石塘火延燒五百餘家次年又火十六年十二月十九日雲和火燬民舍八十餘家十九年正月初二日貴陽府道德橋火延及貢院頭門三十月二十日貴陽府學大成殿災江陵沙市大火燔數百家四月定海衛道港營船火二十二年十月初三日麗水火燔一百四十七家二十五年冬黃岩蒼頭街火二十六年五月貴陽火燒民房八百餘家二十九年十二月初三日太平城隍廟火災咸豐元年十月太平火燔百餘家二年八月通州西庫火十月武昌縣署火十一月漢陽火六年十一月枝江火燔市廛八百餘家七

年五月皋蘭西關火延燒市廛三百餘間八年秋武昌縣左市火十年二月青浦火麗水火同治元年冬黃山石路橋大火三年十月黃岩火五年十一月漢口火餘干瑞洪鎮火延燒四百餘家六年三月江夏火藥局災斃者以千計五月二十五日漢陽鮑家巷火燔船隻傷人口甚衆七年十月太平縣城火燔四百餘家九年冬黃山石火十一年四月烏程火延燒十餘里十三年五月武昌縣小西門火光緒二年七月壬午青浦城火延燒三十餘家九月庚寅又火東碼頭上下岸俱燼六年十一月武昌縣北市火二十八年二月皋蘭南街大火二十九年十月西寧火三十一年七月西寧大街火十一月孔子文廟災宣統元年正月初四日皋蘭縣災延燒官舍六十餘間二月二十六日蘭州省城院門南街大火延燒房屋二百零九間

順治十年二月曹縣夜間火光遍野五月渭南四野火災見持炬人三尺許羣繞火際次日焚處拾一折簡字數行如人書其語曰土地不寧天降凶神三位一收牛一收馬一收人十四年十月二十七日清豐空中起火燒民房數百間

康熙十二年三月縉雲曉見薰面人從空中放火捕之不見五月寧波仙鎮廟井中有火光上騰十四年八月十五日海豐火光遍野二十五年二月兩廣總督衙門兩旗竿忽自晝飛火焚其右焦灼過半三十一年秋南樂空中有火著鐵皆明白申至亥乃止五十年二月丙寅東平烈風中有火光乾隆十七年四月二十九日岐山有火光自西而東七月芮城有火光如電二十年十一月彭澤江心州有穴出火投葦輒燃久而不息二十二年二月二日高平有火毬大如斗其色黃紅綠相間就地行走不知所終二十七年九月臨縣空中有火光大如斗墜城南隅三十三年三月即墨日夕有火毬經天五十年冬棗陽有火毬如斗飛半里外嘉慶九年二月十二日膠縣城東石溝見火毬飛落十二年四月黃安有火大如毬自東而西落于泮池十六年夏撫宣夜遍地起火道光三年三月蕲州清江水中出火二十年五月均州夜見火光二十二年十一月鄖西地中出火二十四年七月光化遍地綠火二十六年正月平鄉火光遍野咸豐元年八月二十八日隨州有天火自西南流東北其光觸地有聲如鼓三

年正月通州有火如星如燐以千百計自西南趨東北凡四五夜始熄十年冬肥城既昏有火從地中起如燐而火色赤而青作二流光遍地皆燃同治二年九月曲陽有火毬自西南飛向東北或散四方或聚爲一其象無常四年通渭泰安火光西現如隕星光緒元年正月十四日灤州五聖祠突有火光俄而火起高臺雲霄祠竟無恙五年冬玉田見火毬飛向東北其聲如雷二十二年四月戊子南樂有火光徑尺明如月自西南往東北尾長丈許忽炸爲火星四散二十三年五月戊午夕南樂有火光圓可徑尺飛向西南二十五年十一月乙未夜南樂有火光流空中其明如月二十六年七月壬戌夜南樂有火光流空中

中

順治三年六月初四日鎮洋新安鎮李明家地出血初五日愈二家地出血尤甚五年夏嘉定見赤氣亘東方七年冬鶴王鎮鄉民見血從地湧出九年正月東昌有赤光聲如水鴨往東南而沒十六年崇年南關外地中湧血嘶嘶有聲康熙十四年四月萊陽地湧血丈餘氣腥久不敢近五十九年七月十六日榮

成萊陽有赤氣自東而起倏如匹練亘向西北去有聲如雷雍正七年十二月二十八日夜分福山見紅光滿野乾隆三十五年七月二十八日肥城有赤光自北方起夜半漸退長山西北見赤氣彌天中有白氣如縷間之四更後始散二十九日夜榮成夜見紅光燭天東光有氣如火橫蔽西北亘數十丈中含紅光森如劍戟上射嘉慶九年正月厯城天雨血道光十一年冬太平雨血著人衣皆赤十七年六月二十八日棲縣有赤光如球高數丈三日乃滅二十八年正月松滋天雨血以盈盛之作桃花色咸豐三年正月十四日西鄉雨血如注五年八月曹縣東方有赤氣如旗桺形六年七月武進地出血同治五年秋崇陽雨血七年正月二十日光化雨血光緒二年二月初四日曹縣見紅光自天降於八里澇水中七年四月襄陽雨血

災異志三

洪範曰木曰曲直木不曲直則爲咎徵凡恆雨狂人服妖雞鼯鼠妖木冰木怪青眚青祥皆屬之於木

順治二年二月河源霪雨三年二月當塗恆雨四月南雄霪雨四年四月章邱霪雨四十餘日六月高郵大兩數晝夜邱縣霪雨平地水深二尺蕭縣暴雨三月閏月永安州安邑大雨秋壽元霪雨四十餘日即墨暴雨連綿水與城齊民舍傾頽無算五年春新城霪雨六十餘日水沒城及半莒州大雨兩月武城霪雨一百日東平大雨渰禾五月衡水霪雨數旬咸陽大雨四十餘日八月旬容大雨屋舍傾圯無算陵川霪雨害稼沁水霪雨兩月餘六年五月鳳陽霪雨八晝夜阜陽淮河霪雨晝夜不息秋沁水霪雨兩月餘民舍傾倒七年二月全椒大雨四月射洪大雨三晝夜城內水深丈許人畜淹沒殆盡五月平陽霪雨四十餘日六月桐鄉霪雨七月解州萊陽萬泉霪雨安邑大雨二十餘日傾圯民

舍八年春嘉興海鹽桐鄉霪雨五月潞安霪雨八十餘日傷禾稼房舍傾倒甚
多六月江陰霪雨六晝夜禾苗爛死吳平大雨傾盆一晝夜方息當塗大兩秋
沁水大雨東阿霪雨青浦大雨彌月九年五月陽信霑化霪雨四十餘日平地
水深二尺合浦大雨城淹四尺六月陽壽霪雨四十餘日襄陵霪雨兩匝月民
舍漂沒甚多稷山霪雨博興大雨傾盆四十七晝夜七月濟甯東平霪雨害稼
九月遵化州霪雨彌月十年五月文安大城保定大雨如注十晝夜平地水深
二丈六月文登大雨三日昌平霪雨蓬萊霪雨四十餘日十一年二月蘭州大
雨二十餘日六月亳州霪雨壞民廬舍七月澄邁大雨三日方止十二年八月
峯州霪雨不止田中水深三四尺十三年五月常山大雨十五年二月濟寧州
霪雨傷麥萬泉霪雨傷麥秋垣曲霪雨儋州霪雨七晝夜田禾多沒城垣傾圮
興安白河洵陽霪雨四十餘日平湖大雨數晝夜平地水深二尺許十六年正
月震澤嘉定霪雨六十日方霽二月儀徵大雨彌月平地水深丈餘三月蕭縣
霪雨二十餘晝夜秋銅山霪雨三月餘禾盡爛死宿州大雨二十餘日田廬漂

沒殆盡虹縣霪雨六十餘日平地水深丈餘淹没田廬梧州霪雨四十餘日城都霪雨城圯十七年五月崇明大雨一晝夜和平大雨平地水深丈餘漂沒田廬無算十八年六月貴陽大雨武甯霪雨二月未止閏七月孝感霪雨三日殺麥康熙元年八月朝城霪雨七晝夜曲沃霪雨二十日壞城垣廬舍無算成安霪雨五晝夜永年霪雨匝月吉州大雨壞城垣廬舍蕭州大雨彌月城垣傾圯解州大雨四十日猗氏大雨二十餘日民舍傾圯四年春蠡縣霪雨二十餘日六月府谷大雨閏六月延安霪雨彌月壞廬舍七月初七日大城霪雨五晝夜城垣倒壞十之六七民房坍塌不下數萬間車陽大雨壞民舍五年六月福山霪雨兩月禾稼盡傷十一月襄垣武鄉大雨六年六月惠來大雨平地水深三尺房縣霪雨傷禾七月溫州大風雨壞城垣廬舍瑞安大風雨壞城垣廬舍七年四月太平大雨如注五月太平積雨旬餘六月龍門大雨七日武強霪雨井陘大雨如注七月靈壽霪雨兩晝夜不止元氏大雨七晝夜城外水高數丈正定府懷來大雨七晝夜內邱霪雨淹沒民舍房縣霪雨傷禾八年六月嘉興霪

雨晝夜不息九年五月湖州霪雨連旬德清霪雨連旬四隣盡沒六月東陽大雨如注十年八月嘉興大雨十一年秋甯波霪雨十二年正月海甯霪雨至四月止六月高要霪雨四日平地水深數尺民舍傾圮宿州大雨連綿兩日陽江大雨十三年正月桐廬霪雨至二月方止四月海豐霪雨十六日平地水深數尺六月門平霪雨陷民居高明霪雨傷損禾稼十五年五月海甯霪雨匝月傷禾大治霪雨十六年七月高密霪雨二十餘日田禾淹沒十七年正月永年霪雨匝月四月平湖霪雨匝月五月金華霪雨傷稼七月太平霪雨民舍傾圮萊州膠州大雨傷稼萬載霪雨數晝夜十八年八月曲沃霪雨二十五日城垣廬舍傾倒無算太半霪雨臨晉雨二十餘日民舍盡圯猗氏霪雨彌月不止解州安邑霪雨連旬夏縣霪雨月餘城垣傾倒民居損壞田禾淹沒廣靈霪雨匝月不止漢中霪雨四十日如傾盆者一晝夜淹没民居定遠廳霪雨四十日甘泉霪雨彌月興安大雨田禾盡淹十九年二月襄垣大雨四十餘日六月高郵霪雨連旬壞民舍無算七月龍門大雨平地水深尺許鎮洋霪雨累月長子大雨

四十日不止城垣傾圯蒲縣霪雨四旬傷禾八月上海霪雨城內水高五尺咸陽大雨四十餘日十一月震澤霪雨三日二十年三月處州大雨至五月始止四月甯波霪雨一月七月階州大雨月餘傾倒民房千餘間二十一年三月平遠州霪雨紹興霪雨九旬禾苗盡淹五月金華大雨五十餘日二十二年春蘇州霪雨十二日殺麥青浦霪雨傷麥陽湖恒雨殺麥海甯大雨至四月始止桐鄉恒雨至四月始止平湖自二月至四月大雨不止湖州恒雨石門恒雨傷麥天台霪雨至四月不止二麥無收太平霪雨麥無收浦江霪雨衢州恒雨至四月無麥嚴州自春徂夏陰雨連綿二麥無收五月靈川大雨通州霪雨台州霪雨麥無收六月兗州大雨平地水深三尺田廬苗稼盡淹二十三年春恩縣霪雨剝城霪雨兩月不止夏昌樂霪雨害稼七月十三日臨縣大雨至八月初八日止平地水溢太平霪雨四十餘日八月遂安霪雨兩月隰州霪雨五十餘日壞民舍甚多二十四年四月湖州大雨六月靈壽霪雨害稼固安大雨壞民舍十月福州大雨數晝夜十二月歙縣霪雨四十餘日和順大雨連月二十五年

四月宣平大雨五日漂沒田廬溺者無算麗水大雨四晝夜漂沒廬舍無算閏四月處州大雨水高於城丈餘松陽大雨四晝夜景甯大雨三晝夜六月青州霪雨傷稼壽光大雨兼旬十一月瓊州大雨連日如注民舍多圯二十六年六月新城霪雨害稼七月章邱霪雨四十日民舍傾圯千餘間二十七年五月平屏大兩壞城垣二十八年四月惠來大雨廬舍淹沒無算二十九年二月開平大雨至五月乃止五月湖州大雨一月田廬俱損七月紹興大雨彌月平地水深丈許漂沒田廬人畜無算三十年六月湖州霪雨害稼閏七月介休霪雨東城圯數十丈三十一年三月武定大雨平地水深丈許秋鎮安霪雨害稼三十一年四月邱縣霪雨四十餘日八月咸陽霪雨牆垣倒者甚多三十三年正月海豐霪雨咸陽大雨水深二尺十月鄧平霪雨害稼三十四年四月廬龍大雨壞城垣百餘丈五月房縣霪雨傷麥六月蘇州青浦霪雨傷稼固安大雨平地水深丈餘三十五年春長山霪雨害稼六月昌邑霪雨害稼樂平大雨彌月沁州霪雨三月方止八月饒陽大雨七日方止定州大雨八晝夜傷稼靜樂大雨

兩晝夜銅山霪雨壞民居九月武定大雨七晝夜冬即墨霪雨六十日三十六年正月香山霪雨匝月二月遵化州大雨如注三十七年八月房縣霪雨傷稼三十八年六月南樂大風雨拔樹七月杭州大雨平地水高丈餘八月桐鄉石門霪雨傷稼三十九年正月夏縣大雨壞城四十年九月高密霪雨傷稼四十年四月陽江霪雨壞民居甚多六月甯陽青州霪雨八月初八日香山大風雨拔樹倒牆寶雞霪雨四十二年五月慶雲霪雨三旬不止六月東明定州霪雨三旬不止霪化霪雨連日漂沒民舍無算高苑霪雨六十日昌邑掖縣霪雨害稼高密霪雨彌月禾稼盡沒八月鄒平大雨害稼齊河霪雨四十餘晝夜民舍傾圮無算濰縣平度霪雨害稼四十三年六月沂州大雨興安大雨漂沒田廬四十四年五月萊州霪雨害稼高郵霪雨閏月鹽城霪雨越三月不止平地水深數尺十一月江夏霪雨害稼四十五年六月東莞暴雨平地水深五六尺民居多圯秋宿州霪雨連月不止傷稼四十六年九月吳川大雨四晝夜傾圮民房無數四十七年四月石阡府霪雨五月嘉興大雨三日田禾盡沒海豐大

雨三月田廬悉被淹沒六月桐鄉恒雨傷禾七月崇明霪雨百日杭州暴風雨
田禾盡淹江山大雨壞民舍四十八年三月沛縣大雨六十日湖州大雨連旬
銅山霪雨凡五月咸陽大雨至五日始止四月石門霪雨傷麥六月宿州大雨
如注田禾盡沒東平大雨淹没田禾汶上大雨三晝夜田禾淹没茌平霪雨兩
月民舍傾倒無算秋萊陽榮成文登霪雨害稼四十九年秋青浦霪雨十八日
桐鄉霪雨傷稼東流大雨淹没田禾五十年十二月除夕平樂驟雨達旦五十
一年七月二十二日靈川大雨七晝夜九月鶴慶龍川霪雨五十二年四月靈
川大雨平地水深數尺五月石城霪雨三月七月奉議州大雨二旬始止官署
民房悉被淹沒五十三年五月遂安大雨連日淹没田禾五十四年三月震澤
霪雨二十餘日五十五年四月武甯霪雨匝月五月湖州暴雨平地水高六七
尺桐鄉霪雨淹没田禾秋桐廬大雨平地水高尺許五十六年七月掖縣大雨
平地水深三尺香山大風雨壞屋舍雞澤霪雨四日五十七年三月海陽霪雨
至五月初止五十八年六月雞澤霪雨四晝夜萊州霪雨壞民舍無算七月昌

樂諸城卽墨掖縣霪雨害稼壞民舍萊陽文登大雨房舍田禾盡沒八月十九日海陽大雨損房舍無算五十九年五月龍南大雨閏月六十年七月高苑大雨田禾盡淹六十一年六月濬化霪雨匝月十二月欽州大風雨壞城垣二十餘丈雍正元年五月十九日香山大雨市可行舟湖州恒雨自秋及冬不絕二年三月麻城霪雨傷麥夏獻縣大雨六十餘日三年五月上海霪雨害稼海豐大雨至七月方止東光大雨四十餘日七月青城霪雨兩日八月平原霪雨凡百日九月順德大雨三月四年五月震澤霪雨爲災當塗無爲大雨彌月田禾盡淹南陵霪雨至秋不絕六月濰縣大風雨壞民廬舍慶陽大雨平地水深四五尺七月陽信霪雨連旬八月杭州嘉興湖州大雨青浦蘇州崑山霪雨十餘日害稼五年二月吳興霪雨鍾祥雨至四月不絕五月鎮海霪雨彌月六月揭陽饒平霪雨一月七月惠來大雨害稼六安州霍山霪雨四十餘晝夜陽信霪雨七晝夜民舍傾圯甚多六年五月平利大雨冲壞城垣六十餘丈七年三月陽春大雨壞民居八年五月日照霪雨四十餘日六月東阿泰安肥城大雨

七晝夜壞民田廬殆盡昌樂諸城掖縣膠州濰縣日照萊州霪雨兩月壞廬舍無算七月邱縣大雨傷禾八月嘉興大雨水害稼鄒平銅陵霪雨害稼冬齊河大風雨傷禾稼九年二月連州大風雨拔樹倒屋六月浦台霪雨害稼秋普安州霪雨至次年春乃霽十年六月甯津大雨平地行舟十一年三月河陽霪雨六月二十八日景甯大雨橋梁道路冲壞甚多十二年春五河霪雨十三年五月廣陽霪雨四十餘日乾隆二年八月平陽大風雨七晝夜田禾盡沒祁州霪雨害稼蔚州大雨三晝夜九月長子大雨禾盡沒三年秋祁州大雨四年五月高要霪雨壞民房六月瓊州霪雨閏月東明大雨平地水深三尺五年七月絳縣大雨害稼六年五月甯都霪雨七年春商南霪雨一百餘日五月山陽大雨鹽城霪雨害禾稼秋泰州霪雨旱陽霪雨一百二十餘日八年四月慶陽霪雨浹旬九年六月資陽仁壽射洪暴雨如注壞民房七月遂安霪雨六晝夜十年四月十六日安遠驟雨平地水高一丈餘冲倒民房七百餘間十一年五月平度大雨漂沒田禾膠州霪雨害稼六月文登大雨傷禾壽光諸城霪雨閏月田

禾盡沒十一月高密霪雨兩月十二年六月福山棲霞文登霪雨匝月七月海豐大風雨壞城垣數十丈平陰榮城大風雨晚禾盡沒十三年四月初五日清河霪雨兩月十五年五月高密霪雨害稼六月麻城大雨連旬冲塌民房十六年秋平度州大雨兩月福山棲霞榮城霪雨害稼十七年八月海豐大雨淹沒田禾十八年高平自七月至十月霪雨諸城大風雨損禾九月解州陰雨連旬十九年八月石門大雨淹禾稼桐鄉大雨數晝夜淹禾稼嘉興大風雨一晝夜傷稼日照霪雨二十年二月至四月蘇州霪雨麥苗腐三月蕲州大風雨壞民居三百餘家荆門州霪雨兩月不絕五月澄海狂風驟雨冲倒城垣五十七丈民房三百餘間六月蘇州大雨傷稼高郵霪雨四十餘日七月贛榆大風雨害稼石門桐鄉霪雨害稼八月東明大風雨拔木田禾盡淹沂州桓雨十月潮州霪雨損麥二十一年五月介休霪雨淹田禾六十餘頃七月曲沃霪雨數十日廬舍多壞芮城霪雨四旬房舍多圯和順霪雨二十餘日害稼八月慶陽霪雨二十

二年夏惠來霪雨連綿七月介休霪雨淹田禾八十餘頃廬舍衝塌大半二十三年六月介休大雨三日淹没田禾陵川霪雨連月不止房舍多圯秋長子大雨傷禾二十四年四月潮陽霪雨六月二十九日即墨大風雨一晝夜大木盡拔田禾淹没七月潞安大雨兩月二十五年五月泰州連雨四十日二十六年六月雞澤霪雨秋垣曲霪雨四晝夜不止城垣盡圯二十七年四月永年霪雨匝月始霽七月蘇州大風雨積水經月田禾盡沒海鹽大雨壞民居嘉善大雨風拔木壞屋桐鄉暴雨十餘日二十八年七月來鳳霪雨三晝夜懷集多雨二十九年八月通渭雨經旬三十一年六月即墨大雨三日西南城垣頽七月臨邑霪雨三晝夜平地水深數尺壞民舍無算黃岩大雨如注平地水深丈餘溺死無算三十二年南豐自正月雨至七月不絕三十三年八月永昌霪雨五十餘日三十四年夏湖州霪雨連旬七月仁和海寧大風雨淹没田禾三十五年八月壽光大風雨害稼三十六年五月曲阜大雨沂水霪雨七月長子大雨傷禾三十七年八月嘉興石門桐鄉大雨自辰至午水高丈餘三十八年七月二

十九日薊州大風雨拔木熟禾盡損三十九年六月雲和大雨二晝夜不息七月桐鄉大風雨壞廬舍無算四十二年四月山陽大風雨拔木代州大雨六日水深數尺四十四年春江陵霪雨彌月四十五年六月常山大雨民房多圯四十六年正月文登大風雨傷稼六月濟南雨水害稼臨邑霪雨連月四十七年八月東昌文登大雨水壞民廬舍四十八年秋綏德州霪雨五十二年三月山陽大雨傾盆水高丈餘漂沒人畜無算五十三年秋文登榮成霪雨害稼五十四年七月潼關霪雨連旬民居傾圯五十五年四月通州大雨麥盡損五月莘縣霪雨兩月始止七月濟南臨邑東昌大雨平地水深數尺禾盡淹五十六年五月保康大雨水冲沒田廬溺人無算嘉興霪雨兩月五十七年六月房縣霪雨至九月始止五十八年八月文登大雨五十九年七月青浦大雨十晝夜嘉興大風雨壞民舍昌黎新樂霪雨害稼六十年五月二十一日江山大雨一晝夜壞廬舍淹斃人畜六月石門霪雨嘉慶元年六月濰縣大雨如注七晝夜二年六月武進大風雨拔木壞屋七月甯都霪雨壞民居四年二月監利大雨如

注平地水深尺許七月文登大風雨傷稼五年六月金華大雨三日傷稼六年六月邢台懷來甯津大雨數晝夜壞廬舍清苑新樂霪雨四十餘日七年四月義烏霪雨禾盡淹沒九年三月桐鄉恒雨傷麥五月嘉興蘇州霪雨傷稼十年三月嘉興石門恒雨傷麥六月黃岩大風雨損稼十一年夏樂亭霪雨四十餘日十三年五月嘉興石門大風雨害稼閏五月新城大雨水湖州霪雨秋漢陽霪雨彌月十五年夏臨邑霪雨四十餘日十六年三月永嘉霪雨匝月七月棲霞霪雨四十餘日九月榮成霪雨害稼十七年春嘉興石門桐鄉霪雨傷麥十八年秋東阿曹縣霪雨四十餘日田禾盡傷十九年秋漢陽霪雨傷稼二十二年夏滕縣大雨平地水深數尺二十三年五月二十日夜濟南大雨水壞城垣廬舍民多溺死六月文登大雨半地水深數尺民多溺死八月十三日永嘉大雨如注十晝夜平地水深數尺二十四年六月文登大風雨害稼二十五年七月新城大雨九日平地水深丈餘宣平霪雨壞田禾道光元年七月涇州霪雨冲沒橋梁田廬人畜八月臨邑霪雨傷稼八月章邱

東阿霪雨四十餘日壞田廬禾稼三年三月湖州霪雨至五月不止昌平霪雨傷麥內邱大雨三旬始止四月棟縣霪雨至九月始止五月金華永嘉霪雨害稼禮縣暴雨漂沒民舍七月青浦霪雨兩月泰州大雨平地水深數尺禾稼盡淹四年二月德州霪雨五年八月貴陽大雨二十日始止六年六月宜昌大雨連綿十日不止損田禾七年夏恩施霪雨傷稼八年七月武城霪雨十年五月通山崇陽霪雨連旬漂沒田廬甚多六月恩施霪雨傷稼八月宣平大雨如注民舍盡漂沒十一年五月永嘉大雨水歉收江夏霪雨彌月六月宜城穀城霪雨二十餘日傷稼七月荷澤滕縣霪雨百餘日平地水深數尺曹縣大雨水深二尺十二年光化霪雨自六月至八月禾苗盡傷宜城大雨晝夜不絕定遠廳保康霪雨兩月七月郎陽大雨七晝夜壞官署民房大半冬房縣霪雨害稼十三年夏湖州霪雨害稼十四年四月咸甯大風雨拔木壞房七月麗水大風雨半地水深數尺十五年夏即墨霪雨傷稼文登榮成大雨六十餘日八月宜城霪雨傷稼十七年五月崇陽宜城霪雨害稼十八年六月益都臨淄大雨水十

九年春棲霞霪雨南樂大雨四月招遠大雨十餘日榮成大雨至七月不止九月武進恒雨傷稼二十年五月邢台大雨平地水深三尺六月平谷霪雨匝月不止二十一年二月武進恒雨傷麥二十二年七月龍水大雨漂沒田廬冬至夜濰縣大雨如注二十三年五月平度霪雨傷田禾二十四年七月初九日棲縣大風雨溺死男婦七十餘人冬松陽大雨連旬壞田舍無數二十五年春霪陽霪雨八十餘日六月濰縣大雨平地水深數尺人多溺死二十六年五月東平大雨害稼六月樂平霪雨二十八年潛江自二月至七月雨不止六月光化大雨平地水深數尺三月始退溺斃人無算保康霪雨兩月壞田廬無算七月十四日永嘉大風雨壞孔子廟及縣署十九日景甯大風雨三晝夜壞田廬無算二十九年六月樂亭大雨傷禾稼七月青浦霪雨五十日湖州霪雨傷禾三十年五月二十五日兩當暴雨漂沒人畜咸豐元年六月禮縣霪雨四十餘日傷禾二年青縣大雨傷禾三年四月靜海霪雨害稼六月永嘉青田景甯霪雨三十晝夜保康大雨十六日漂沒田舍甚多房縣霪雨七晝夜不止壞田舍無算

七月宜城大雨匝月壞城垣一百五丈遠州霪雨害稼四年夏湖州霪雨五年
七月初十日景甯大雨如注田廬盡壞六年六月昌平大雨傷稼七年春崇陽
霪雨八年四月海縣大雨損禾苗九年五月蘇州大雨傷禾十年二月蘇州霪
雨閏月六月甯津東光大雨傷稼十一年十一月羅田大雨傷禾同治元年七
月蓬萊黃縣福山招遠萊陽宣海大雨連綿禾稼盡淹二年春應城霪雨傷麥
五月青縣大雨傷禾三年六月初十日定海暴風疾雨壞各埠船溺死兵民無
數四年六月至七月萊陽大雨平地水深七八尺禾稼淹没房舍傾圯無算五
年秋魚台霪雨水深數尺傷禾稼六年八月鄆陽霪雨三晝夜壞官署民房甚
多七年五月皋蘭金縣大雨至七月乃止秋景甯大雨傾沒田廬無算八年春
江夏霪雨損麥四月嵊縣大雨壞田廬九年六月潛江霪雨傷稼十年七月東
光新樂曲陽霪雨十餘日十一年五月東平霪雨害稼十一月青縣大雨害稼
十二年七月太平大風雨壞城垣數十丈民房數百間八月化平廳霪雨不止
壞民舍光緒元年六月日照大風雨平地水深數尺二年六月初八日黃岩大

風雨拔木壞屋田禾淹沒殆盡三年六月高陵大雨如注平地水深三尺田禾盡沒四年九月東平大雨傷禾稼五年五月登州各屬大雨四十餘日六月二十一日永嘉大風雨壞官廳民居八月莘縣霪雨十日方止六年三月福山大雨七年秋濰州霪雨連旬八年秋宜城霪雨傷禾稼冬均州霪雨彌月九年六月化平廳大雨水深四五尺傷禾稼十年八月太平大雨冲沒廬舍十二年七月十四日太平大雨二十日始止十三年閏四月德安大雨三日水高五六尺十五年七月二十六日夜德安大雨如注城崩百四十餘丈淹斃男婦七十餘人十六年六月山丹驟雨壞城郭二十二年春甯津大雨壞民居二十五年七月泰安大雨連旬二十七年七月山丹大雨平地水深數尺

雍正三年七月靈川五都廖家塘有村民同衆入山砍竹不歸一百四十餘日始抵家所言多不經

道光十七年崇陽鄉民好服尖頭帽鞋站步不穩識者謂之服妖

順治二年十二月上海小南門姜姓家雞翼下各生一爪三年八月揭陽牝雞

鳴數日乃已四年四月淄州民間訛言雞兩翅生骨食之殺人驗之果然五月忠州民家殺雞腹內有一嬰兒漢陽雞翅生爪五年崇明民家雞翼中生爪巫山民間雞翅端皆生一爪如距杭州民家雞生四足湖州民家雞生四翼能飛十一年合肥鄭家庄產一雞三嘴三眼三翼三足色黃比三日死十六年崇明民家雄雞生二卵十八年鎮澤民家雄雞生卵康熙十一年廣平民家抱一雛雞四足四翼十二年平湖民家雞生四足四翼二十二年迎春鄉民間雌雞化爲雄二十三年麻城民田姓家雞生一卵膜內皆有紋其色朱後七日又生一卵有圖又數日毛成五色飛去雍正二年麻城雞翅遍生人指五年通州雌雞化爲雄乾隆三十九年冬慶元雄雞自斷其尾六十年貴陽民家雄雞生二卵色赤甚鮮嘉慶十一年樂清民家雞生四足十七年宜昌民間雞生四足後二足微短行不著地又有三足者其一生於尾下如鼎足然道光元年秋青浦民家雞翼兩旁生爪湖州民家雞兩翅皆生五爪飛去永嘉雞翅生爪食之殺人十二永嘉民家雞四足不能啼二十二年良鄉民家牝雞化爲雄能鳴無距三

十年六月蕲水縣民家雌雞化爲雄冠距儼然唯啼聲微弱咸豐五年隨州民家雄雞生卵同治元年六月定遠廳民家雞生三足六年鍾祥民家雌雞生三翅光緒九年興山民家雌雞化爲雄三十年富州民家雞生三足後一足微短行不著地

康熙二十年五月巴東鼠食麥色赤尾大江陵鼠災食禾殆盡二十一年西甯鼠食禾二十二年夏崇陽田鼠結巢於禾麻之上二十八年黃岡鼠食禾及秋化爲魚二十九年孝感鼠食稼四十二年西鄉定遠廳遍地生五色鼠四十七年黃濟鼠食禾四十八年七月崖州有鼠千萬唧尾渡江五十二年五月高淳丹陽有鼠無數食禾殆盡六十一年夏延安田鼠食稼秋安定黑鼠爲災食禾殆盡有鄉民掘地得一鼠身後半蝦蟆形疑其所化也清澗黃鼠食苗殆盡葭州田鼠食苗雍正五年十一月銅陵羣鼠銜尾渡江乾隆元年文縣鼠害稼四年四月祁縣白鼠晝見羅寺經堂中異香滿室秋彭澤羣鼠銜尾渡江食禾四年二月中衛田鼠食麥十八年池州田鼠叢生忽入水化爲魚二十五年五

月池州田鼠叢生有赤鷹來食之遂滅道光四年高淳鼠食麥二十八年五月
泗陽常平倉忽有鼠數千頭在梁上移時方散咸豐元年六月德化羣鼠銜尾
渡江四年襄陽羣鼠食禾同治七年山丹田鼠食苗九年二月皋蘭土塊化爲
鼠光緒五年五月三原鼠食禾殆盡三十一年西甯羣鼠食苗二十四年皋蘭
田鼠食麥

順治六年十二月咸甯木冰十年十月當塗兩木冰十一月江陰木冰潛山木
冰宿雨木冰十二月海甯木冰康熙元年十二月嘉定木介二十年正月朔儀
徵木冰三十年正月朔江浦兩木冰三十一年正月朔儀徵木冰雍正二年十
二月掖縣木介乾隆十一年正月湖州兩木冰二十年十二月東流兩木冰二
十三年冬諸城兩木冰二十五年正月曲阜兩木冰五十五年十二月黃岩木
介宣平木介五十七年十二月辛卯南陵兩木冰五十八年正月金華木冰六
十年冬湖州木冰嘉慶三年十一月崇陽木冰道光二十五年十二月黃縣兩
木冰二十九年正月登州木介咸豐三年冬湖州木冰四年十一月黃岡兩木

冰十二月武昌雨木冰同治二年正月黃縣雨木冰四年正月武昌雨木冰光緒七年十二月黃岡雨木冰

順治元年南陵上北鄉郭氏墓域有黃檀一株腹內突產修竹數竿外並無竹觀者詫爲異二年七月石門資福院僧鋸木中有太平二字墨痕宛然三年錢塘李樹生桃實太蒼街銀杏樹孔中吐火而木本無傷四年五月崑山西門外民家李樹生黃瓜六年二月封川李樹生桃十一年七月初二日婺源西甯村有楓樹自仆居民薪其枝殆盡十九夜有聲樹忽自起十二年三月廬龍城東南角樓壁中出火焚樓柱十三年五月曲陽文廟東古楊樹一株忽自焚火數十丈竟日不絕十八年五月石門李樹生黃瓜長二寸有子康熙三年六月廬龍灤河溢湧出材木無算時修清節祠適所用有如夙構人咸驚異十三年春舍山嘉定李樹生黃瓜十六年桐鄉李樹生黃瓜十九年封川李樹結桃實二十二年四月東陽義烏李樹生桃櫟木開梨花二十三年海鹽鄉民鋸樹中有王大宜三字清晰如寫二十八年黃岡李樹生黃瓜四十五年四月甯州通邊

鎮白楊開花狀如紅蓮四十八年秦州槐樹生蓮花五十一年十一月宿州樹頭生火雍正五年津縣西鎮門內有唐開元所植荔枝是歲忽枯至九年復活枝葉茂盛不遜於前乾隆元年高淳李樹生黃瓜五年掖縣縣署古桐自焚十五年九月應城水陸寺楓樹夜放光伐之乃滅四十八年六月桐鄉李樹生黃瓜六十年夏竹城大雨溪漲有巨木數百順流而下時修學宮無材適符其數永嘉七聖廟大樟樹自焚中藏竹箸無數嘉慶元年秋鄆陽漢川水中湧出巨木無算二年枝江城東古樹作息哮聲道光二年曹縣李樹生瓜三年隨州李樹生瓜咸豐六年六月麗水大樹無故自倒八年黃安有大椿樹每至午樹中有笑聲九年武進李樹生瓜同治三年京山李樹結桃實五年分宜玉虛觀古梓杪產素心蘭光緒三年黃岡楓生梨實二十二年皋蘭民家杏樹開牡丹二朵

順治七年正月二十七日夜望江西方有青氣亘天康熙十七年六月十二日平湖青眚見

清史稿

災異志四

洪範曰金曰從革金不從革則爲咎徵凡恆陽詩妖毛蟲之孽大厭金石之妖
白眚白祥皆屬之於金

順治元年八月蒼梧旱三年平樂永安州大旱二月至八月始雨台州自三月
不雨至於五月紹興府自四月至八月不雨金華府屬旱東陽自四月至九月
不雨浦江旱南昌各府自五月至十月不雨大旱秋萍鄉萬載大旱四年夏通
州旱秋開化江山旱五年夏饒平旱六年吉州自春徂夏旱七年夏萬泉旱八
年甘泉延長安定自四月至九月不雨崖州不雨逾年三月乃雨九年春銅陵
無爲廬江蕪湖當塗旱五月上海亢旱九月武強旱十年夏樂亭旱秋海寧高
郵旱十一年四月天台大旱七月襄垣沁州旱十一月武強旱十二年正月順
德大旱四月金華屬五州旱五月鄧平旱遂安自夏徂秋不雨八月昌黎曲江
湖州衢州龍門開化江山大旱禾盡枯十月揭陽全椒旱十三年春章邱潞城

高平沁水旱九月揭陽大旱深潭俱竭十四年五月蕭縣太湖旱湖井盡涸八
月涇陽商南旱十五年八月昌樂大旱十一月龍州旱逾年四月乃雨十六年
五月惠來恩州玉屏安南旱十七年三水春旱不雨至小滿乃雨秋鎮海惠州
天台旱十八年寧波東陽自夏徂秋不雨南籠府海鹽壽昌江陰東阿蒲州旱
八月餘姚臨安嚴州桐鄉旱康熙元年九月昌黎旱二年二月東莞鄆城旱六
月始雨四月江陰旱五月萬載黃州旱六月懷來旱八月保安羅田蕭縣旱三
年春交河邢台內邱揭陽旱夏長山平原禹城臨道武定阜陽鄒縣費縣定陶
莘縣華陽寗海旱四年春朝城城武恩縣堂邑夏津萊州東明靈壽武邑大旱
高密自三月至年次四月不雨大旱夏登州府屬大旱七月文水平定壽陽孟
縣代州蒲縣旱八月兗州府濟寧州旱五年二月揭陽旱三月三水旱五月鍤
祥大治旱六月寗海衡州旱秋宣平松陽大旱至次年四月始雨六年春廣州
惠州海豐惠來旱四月黃州府屬旱五月應山黃安蕲水羅田大旱萬載自夏
徂秋不雨七年六月黃安羅田懷安西寗龍門旱七月靜海旱八年七月臨海

旱九年春開州東明蠡縣廣平任縣武清大城景州慶雲靈壽沙河磁州元城
大旱無麥夏東陽羅田旱冬棗陽安陸德安大旱十年春霸州公安石首旱四
月龍山黃安麻城廣濟大旱金華府屬六縣自五月不雨至於九月湖州大旱
自五月至九月不雨溪水盡涸桐鄉大旱地赤千里六月鄞縣象山寧海天台
仙居烏程蘭溪旱七月齊河東明邢台廣平江浦蘇州鎮洋任縣成安旱八月
太湖新城唐山西寧懷安旱九月紹興屬八縣大旱十一年春芮城解州旱四
月福山旱五月高密大旱八月臨朐旱十二年揭陽春秋旱惠來春旱夏陽信
旱九月高明興寧大旱十三年春樂陵許州剡城費縣旱四月濟南府屬旱六
月高郵館陶恩縣旱七月鄖陽黃安麻城羅田旱十四年六月海寧旱七月黃
安羅田旱十五年春興寧旱十六年湖州萬載自五月至七月不雨大旱十七
年春東流壽州全椒五河泰安旱夏桐鄉嘉定黃岡旱八月金華寧州高淳旱
十八年春滿城旱四月杭州旱黃安羅田宜都麻城公安自五月至八月不雨
大旱蘇州崑山上海青浦陽湖宜興大旱溪水涸六月萊州平度旱七月合肥

廬江巢縣無爲舒城當塗大旱九月臨縣大旱十九年夏蠡縣旱秋開建連州
翁源旱十一月萬全大旱二十年春安邱旱夏溫州寧波旱井泉涸奉化秋冬
無雨井竭黃岩仙居太平義烏旱井泉涸二十一年五月連平旱九月博田北
流旱二十二年揭陽自正月至四月不雨三月黃縣惠來普寧旱夏汶上鄒縣
兗州曲沃旱七月太平旱二十三年彭水璧山自五月至八月不雨六月蓬州
鄰水興安漢陽安邑洵陽綏德州秦州旱秋邢台棗強獲鹿井陘鄧都遂寧巫
山旱井涸二十四年春安定旱瑞安曲江樂昌春夏不雨井泉竭二十五年恭
城自五月至八月不雨六月沁州普州襄城饒陽旱七月孝感黃安麻城旱二
十六年四月樂昌旱嚴州自五月至八月不雨禾苗盡槁鄞陽夏秋大旱七月
開建鶴慶海豐旱二十七年瑞安自夏徂秋不雨湖州寧州旱二十八年羅田
石首枝江旱自五月至九月不雨宣平自夏徂秋旱井泉涸六月萬全景州清
苑新安寧縣東光普州曲陽武強沙河旱秋開建應城旱河水涸二十九年四
月湖北全境旱六月樂平旱竹溪自夏徂秋旱三十年春開平揭陽化州旱陽

春自正月至四月不雨五月介休旱七月邢台懷安旱三十一年三月臨漳旱
夏孝感旱九月清浦旱三十二年杭州嘉興海鹽自春徂夏大旱禾盡槁六月
桐鄉旱七月震澤崑山嘉定清浦丹陽大旱河水涸三十三年秋黃岡蕲水黃
安廣濟江夏武昌興國大冶旱三十四年夏長寧馬邑旱秋永寧州臨縣旱三
十五年四月台州旱五月靜樂衢州旱秋永安州平樂蒼梧旱三十六年春陽
江陽春永安州平樂旱六月順德旱八月桐廬松陽旱三十七年四月豐樂旱
五月銅陵旱三十八年三月黃陂旱夏杭州桐鄉旱秋武昌陽湖旱三十九年
二月湖州旱五月沙河旱秋常山旱四十年五月堂邑旱六月蘭州河州旱九
月瓊州旱四十一年高郵大旱四十二年三月宣平旱五月橫州旱六月連州
旱四十三年春青浦浦縣沂州樂安臨朐旱五月靜甯州衢州旱六月絳縣旱
八月永平旱四十四年春朝陽旱四月羅田上海旱九月鉅鹿旱四十五年春
瓊州旱五月黃岩旱四十六年夏池州石門湖州海鹽桐鄉旱河港皆涸秋臨
江府屬當塗蕪湖東流含山歷城旱四十七年夏東平平原霑化臨朐旱秋黃

岡恩縣茌平臨清旱四十八年四月溧水旱秋武進滿城旱冬湖州旱四十九年二月揭陽澄海旱五月臨朐新城武強旱秋湖州台州仙居旱五十年七月應城枝江德安羅田旱五十一年五月固安定州井陘清苑旱九月崖州旱五十二年夏台州常山旱至十月不雨秋五河大旱五十三年春臨朐旱五月宣平東明元氏旱六月台州蘇州震澤陽湖旱景州夏秋旱五十四年春翼城陽江解州旱六月銅陵合肥旱七月鶴慶旱惠來自八月歷冬不雨五十五年二月海豐朝陽旱五月揭陽福山密雲懷柔旱常山夏秋旱五十六年福山旱五十七年春南昌旱四月臨朐旱秋崇陽寧陽旱五十八年二月曲阜旱夏福山常山縉雲峽江旱八月義烏旱五十九年夏東平岳陽曲沃臨汾湖州桐鄉石門旱秋臨朐沁州旱六十年春興寧全州安州臨安登州西安延安鳳翔旱懷柔自春不雨至五月二麥無收鶴慶春秋旱慶遠府大旱自正月至七月不雨田禾盡槁桐廬自五月至七月不雨禾盡枯橫州自六月至九月不雨昌化桐鄉海寧旱河涸七月宣平縣寧都黃岡房縣旱八月夏津旱六十一年二月

濟南旱六月武進無爲含山青城海寧湖州寧津旱祁州夏秋旱松陽鍾祥江
陵荊門旱雍正元年春元氏旱夏海寧湖州桐鄉井陘武進祁州莒州蒙陰東
昌旱秋雞澤嘉興蘇州高淳崑山大旱河水涸二年鶴慶自二月至八月不雨
夏海寧嘉興旱七月景州景津全州旱井泉涸三年春霑化莒州旱河涸夏津
春夏旱七月全州邱縣旱四年春壽光旱五月英山旱五年六月慶陽府屬旱
六年五月洛川旱興安自七月旱至次年二月始雨竹木盡枯七年春元氏旱
八年八月東光沧州旱九月邢台平鄉沙河揭陽長沼旱十年春平原曲阜莒
州北鄉旱沂州自正月至六月不雨六月臨清福山旱十一年春同官常山旱
八月濟南府屬旱十二年春膠州旱六月同官甘泉旱十三年五月夏津璧山
池州旱湖水涸七月蒲圻鍾祥當陽宜都江夏崇陽蕲水旱乾隆元年潮陽旱
二年三月會寧東安旱無麥玉田春夏大旱六月漢陽黃陂孝感黃岡麻城旱
九月獲鹿灤城平山旱三年鹽城自二月至六月不雨大旱赤里千里夏震澤
清河旱九月武進鹽城旱四年春薪水高郵旱夏通州替山銅陵合肥廬江清

浦無爲東流旱秋漢陽黃陂孝感鍾祥京山天門武昌旱五年六月全州旱六年嘉應州春夏旱七年春廣寧鶴慶龍川潮陽饒平普寧旱陽江春夏旱八年春壽州旱新安自春徂夏不雨四月銅陵旱閏四月蕪城旱六月德州武強正定河間寧津衡水旱冬武邑府屬旱九年四月西清慶平高邑寧河旱七月武定府屬旱十年五月三河旱秋元氏邢台靈強懷來正定無極蕪城樂平代州旱晚禾皆粧十一年雲都自五月至七月不雨十二年春即墨平度旱夏文登旱秋高密安邑垣曲旱十三年三月臨安旱五月嘉興石門旱六月芮城懷來旱十四年十月大同府屬旱十五年春惠來旱五月交河新城旱秋連州旱十六年七月溧水連州惠來旱建德遂安淳安壽昌桐廬分水夏秋不雨禾苗盡槁十七年春房縣旱解州自五月至七月不雨秋海寧富陽餘杭臨安杭州雷州諸城鄉寧旱十八年桐廬春夏旱禾苗枯井泉涸廣靈自五月至九月不雨秋唐山樂清平陽旱十九年荊門州大旱至二十一年始雨二十年三月普寧旱五月梧州旱七月黃縣旱十一月武進旱二十一年金華春夏旱五月桐

鄉天門旱二十二年春龍川大旱惠來自春徂秋不雨夏石門梧州桐鄉旱二十三年三月東平旱六月慶陽旱二十四年平定樂平孟縣春夏大旱六月枝江高郵太原旱秋代州翼城寢州寢鄉安邑絳縣垣曲潞安河津應州大同懷仁山陰靈邱豐鎮甘泉新樂旱二十七年夏會寧湖州旱二十八年武昌旱二十九年夏寢津東光旱三十年夏洛川旱三十一年秋文登榮成旱三十二年湖州旱三十三年四月陽湖高郵旱六月日照石門嘉善旱連州夏秋大旱七月孝感安陸雲夢應城應山武昌鍾祥棗陽旱八月泰州大旱河竭三十四年六月高淳旱三十五年夏臨潼珙縣旱七月常山旱三十六年二月即墨旱夏五月高淳旱冬瑞安當陽宜城旱三十七年春文登旱秋宣平旱三十八年夏洛川旱七月壽光宣平天津青縣靜海武清東光寢津旱三十九年七月鍾祥荊門州應城黃安旱八月秦州鎮番慶雲南樂霸州旱四十年六月杭州旱九月兼旬不雨房縣溧水武進高郵文登榮成旱四十一年秋平定樂平旱四十二年夏洛川穀城歸州旱八月吳川武寢宣平旱四十三年太原自正月至五月不

兩諸城旱夏嘉興石門東平旱河涸秋江夏武昌崇陽黃陂漢陽鍾祥潛江保康枝江旱冬九江武寧旱四十四年六月湖州武城安邱泰安潛山旱四十五年五月應城旱四十六年四月宣平旱六月金華新城旱四十七年春文登旱五月黃縣旱六月羅田旱秋綏德州旱四十八年二月文登榮城綏德州旱秋菏澤旱四十九年二月寧陽荷澤旱三月大名府屬七州縣旱五月應城旱秋審陝廳大旱長安河涸五十年二月江夏武昌旱濟南荷澤自春徂夏不雨夏鄒平臨邑東阿肥城滕縣寧陽日照嘉善桐鄉宣平蘇州高淳武進甘泉皆大旱河涸秋太平觀城沂水壽光安邱諸城博興昌樂黃縣旱五十一年春東平旱五月洮州旱七月荊門州松滋旱五十二年三月黃縣博興旱夏滕縣大旱微山湖涸五十三年三月黃縣復旱五十四年宜都大旱自三月至五月不雨五十六年五月應山大旱五十七年歷城霑化黃縣春旱秋順德武強南宮慶雲靜望都蠡縣樂亭旱五十八年陸川自二月至三月不雨保定大名元城東光春旱七月德平旱五十九年三月文登榮成旱秋黃縣不雨至冬六十年春

鄒平壽光昌樂諸城旱五月蓬萊黃縣棲霞江山溪陽旱秋文登不雨六十年春浦江旱五月穀城麻城旱嘉慶元年夏洛川懷遠旱秋漁陽旱二年五月江陵旱三年四月黃安旱五月青浦旱六月文登榮成旱四年夏江山大旱五年春枝江旱夏安康旱六年春章邱旱榮成夏秋大旱草木盡枯七年四月京師旱五月金華江山常山旱六月武昌漢陽黃川德安咸寧黃岡安陸旱八月宣平棗縣南昌臨江旱八年江山自春徂夏不雨九年二月臨朐旱夏漢陽旱秋定平旱十年六月章邱大旱十一年夏泰州旱十二年二月武進黃縣旱四月樂清旱五月崇陽石首旱七月宣平旱八月潔州不雨十三年春樂清不兩黃安春夏旱十四年四月邢台應山旱十五年安邱春夏大旱十六年春黃縣旱四月京師臨榆撫宣旱五月永嘉麗水縉雲景州棗縣鍾祥房縣江陵宜都旱六月曲陽蓬萊招遠寧海文登即墨旱秋觀城臨朐旱十七年春東阿滕縣高唐旱十八年春東平東阿濟寧曹縣旱夏保康旱八月鄆縣麻城鍾祥襄陽棗陽旱九月樂清密津南樂清苑邢台廣宗井陘清豐武邑唐山望都南宮旱

十九年春應城郎縣蕲水羅田旱夏嘉興新城湖州石門鍾祥武進臨朐定遠
廳泰州通州皆大旱河盡涸七月青浦蘇州高淳旱二十年六月嘉興旱七月
灤州旱二十一年九月麗水大旱二十二年四月曲陽旱秋長清觀城博興蘇
州定州諸苑固安武強涿州清苑無極廣宗旱二十四年六月貴陽湖州石門
旱八月應山麻城旱九月黃陂旱二十五年新城自二月至七月不雨五月黃
梅大旱八月縉雲麗水嵊縣南昌建昌臨江贛州袁州武昌咸寧崇陽金華常
山旱道光元年秋黃岩龍泉旱二年春宜都日照旱夏嘉興湖州旱三年夏牒
縣大旱四年宜城自四月至六月不雨曹縣房縣麻城旱秋章邱榮成旱五年
六月應山旱七月歷城黃縣旱六年春諸城東阿旱六月永豐萬安旱七年七
月內邱大旱九年湖州夏秋旱宜城八月不雨至於十月十年夏湖州旱秋武
強唐山旱十二年春昌平大旱六月始雨內邱懷來萬全望都旱夏嘉興湖州
嵊縣旱七月東光靜海旱九月陵縣臨邑鄒平新城博興旱十三年春武清旱
夏皋蘭狄道州旱十四年春孝義廳旱秋定海旱十五年春元氏臨朐枝江宜

都宜昌旱黃岩自五月至七月不雨縉雲自五月至八月不雨夏湖州永嘉麗水嵊縣宜城穀城旱七月房縣黃州安陸旱冬太平玉山武昌旱十六年春登州府屬旱夏應城皋蘭狄道州孝義廳旱十七年臨朐自正月不雨至於五月六月雷州旱七月元氏阜城邢台旱十八年夏常州應山靖遠旱八月阜陽等二十一州縣旱十九年三月武強懷來旱望都春夏無雨秋莊浪大旱二十年皋蘭狄道州金縣旱二十一年九月寧陽旱二十三年七月湖州旱二十四年光化秋冬旱二十五年六月青田旱七月縉雲雲和旱二十六年六月藍田三原大旱二十七年夏宜城大旱秋麗水大旱二十八年春永嘉旱秋昌平旱二十九年七月莊浪大旱三十年夏嵊縣太平寧陽皋蘭旱咸豐二年定海廳常山旱四年五月麗水旱七月咸寧保康旱五年正月皋蘭旱四閏月不雨四月青縣旱武昌夏秋旱六年宜城安陸自夏徂秋不雨樹木多枯死五月咸寧桐鄉黃陂鍾祥潛江大旱河水涸閏五月隨州大旱至九月始雨六月嘉興蘇州青浦旱七月武進羅田通州肥城陵縣旱河水竭七年春昌平唐山望都旱夏

清苑元氏無極武邑永清廣宗柏鄉旱八年夏青縣旱九年春即墨旱夏臨朐濱州黃縣旱七月元氏灤州旱十年春清豐蓮萊皋蘭旱六月青縣大旱十二年青縣春夏不雨七月太平旱八月皋蘭通渭秦安大旱同治元年二月青縣旱六月孝義廳皋蘭旱七月葦縣棲霞咸寧江夏旱二年棲縣旱三年夏常山旱秋崇陽撫寧旱四年春蕲水大旱荒民有鬻子女者秋麻城旱高鄉自冬至次年夏不雨五年夏江夏江山旱九月崇陽漢陽旱六年夏昌平玉田黃陂荆門德州旱秋邢台懷來武昌黃州旱七年春皋蘭旱冬陵縣旱八年春青縣旱九年春新樂黃縣旱十年春清苑大旱無麥十一年皋蘭春夏旱十二年五月公安枝江旱十三年三月江陵公安枝江旱秋均州旱光緒元年青縣夏秋旱二年春望都蠡縣灤州臨榆旱五月肥城旱八月薊城旱三年四月武進霑化寧陽南樂唐山旱應山夏秋大旱四年春東平三原旱七月內邱井陘順天唐峯州旱十一年秋東光旱十三年七月靖遠東光旱十六年皋蘭春夏旱十七

年靜寧合水旱十八年六月皋蘭金華靜寧通渭洮州安化旱十九年五月太平旱二十年太平自七月至十月不雨大旱二十一年六月太平旱二十四年九月寧津旱二十六年六月涇州皋蘭平涼莊浪固原洮州旱閏八月南樂邢台旱二十七年春皋蘭平涼莊浪固原洮州大旱三十三年皋蘭旱三十四年

八月蘭州靜寧大旱宣統元年甘肅全省亢旱

順治元年十一月十二日鹽亭山頂崩一大石如數間房橫截路口是夕大風雨居民避張獻忠者得脫大半先是有童謠云入洞數鑽岩怪沿山走的後還在至是果應康熙十四年藩王尙可喜於粵香山築壘土中得一石碑其碑文云抱破老龍傷粵秀八風吹箭入陀城種柳昔年曾有恨看花今日豈無情殘花已自傷客落折柳何須關廢興可憐野鬼黃沙蹟直待劉終班馬鳴似詩似識未有能識者五十七年八月初一鍾祥火災先是有童謠云八月初一火龍過至是果應乾隆六年知州林良銓改修諸葛忠武祠掘地得二石人一背銘字云守土守三分辛苦一背鐫字云遇隆則興光緒五年文縣有童謠云兩個

土地會說話兩個石人會撻架未幾卽山崩地震

順治七年正月朔衢州黑熊入城是年多火災康熙二年十一月平度民間獲兔八足四耳兩尾二十七年十二月十六日有黃熊鳴于合浦西門十七夜復鳴乾隆十八年畢節熊入城傷二人嘉慶七年陸川有熊傷人二十三年七月黃縣有熊走入莊菴村土人以槍殺之

順治八年泰山文君廟鐘鼓自鳴康熙十八年正月六安州金鐵出火三十九年十一月海陽馬王廟鐘自鳴越三日復鳴雍正九年五月七姑廟鐘自鳴乾隆三十八年十二月除夕黃縣叢林冶基寶塔三寺鐘鼓自鳴嘉慶十四年冬泰州雨箭咸豐八年四月魚台兵器夜吐火光同治三年九月東嶽廟鐘自鳴八年九月彭澤長嶺酒店釜鳴聲聞數里許月餘方止

順治四年崇明民家犬生六足七年商州民李旺家有犬坐坑上作人言老的忒老小的忒小縛而殺之十三年鄒平民生子犬頭猴身能吠康熙四十五年二月蕭縣民家犬作人言乾隆二年利津民家犬生一畜一首二尾七足咸豐

十一年來鳳民家犬作人言同治十一年大浦民家犬生六足

順治元年二月興國寺前出自白氣一道六年三月江陰白氣亘天彌月始滅七年正月二十六夜崑山西方有白氣如練十餘日始滅蕭縣白氣見西方二十餘日始滅六月甲申秦安見白氣亘天益都見白氣亘天十二月三十日蕭縣見白氣如練數十條寒光射人十八年十二月十二日棲霞白氣亘天康熙二年夏萊陽有白氣冲天七年正月廣平見白氣亘天西出指東越二十日方滅內邱夜見白氣如銀河經五六日方滅溫江有白氣自西直亘數十丈下銳上闊光如銀形如竹經四晝夜方散威縣見白氣亘天二月廣州有白氣如槍長十餘丈四十日乃滅武邑夜白氣亘天夜半始散唐山見白氣亘天七月高邑夜見白氣如疋布亘西方九年三月乙丑蘆靈白氣現自西方十一月通渭夜見白氣如虹自南而北十一年七月十四日夜交河有白氣自西南向東北其疾如飛聲如風十六年七月壬申夜蘆龍有白氣如霓自東向日十八年六月二十四日武定見白氣貫天十一月玉田有白氣自西南來十九年十月全椒

見白氣于西方月餘始滅十一月朔滄州有白氣如帶自西南向東北浹旬方
滅蘆龍有白氣如雲長亘向東越數夕色淡而高起如帶芒狀絳縣夜見白氣
如虹初二日鎮洋西方見白氣亘天長數丈移時乃滅臨淄見白氣自西而東
初四日溫州夜見白氣如練長十餘丈月餘始滅二十年六月二十一日夜望
江見白氣亘天至八月十一日方滅十一月山陽見白氣亘天一月始滅漢中
西方見白氣亘天如練二十二年五月己未夜清河有白氣數道如虹三十九
年九月江夏見白氣如練六七日始滅四十一年二月沛縣見白氣于西方六
十年十一月十九日遵化有白氣如練聚于西南移時方滅六十一年六月十
四日嘉定有白氣亘天雍正九年閏五月二十七日夜南宮有白氣一道南行
有聲乾隆十八年九月癸丑東流有氣如虹著天色紫白久而沒三十五年七
月二十八日肥城有白氣十三道至夜半乃退嘉慶二十年五月武定有白氣
亘天向西長數丈道光十三年四月十八日棲霞有白氣亘天二十年昌黎夜
見白氣亘天逾月乃滅二十二年春莘縣有白氣如練數丈月餘乃滅冬玉田

有白氣亘天二十三年三月黃州有白氣如練斜指西南經月始散四月牒縣
有白氣亘天月餘乃滅二十四年夏登州有白氣亘天二十五年春即墨有白
氣西北亘天二十六年秋密津夜有白氣長竟天咸豐七年秋黃安有白光如
電燭暗室有聲十一年六月棲霞有白光如正練橫亘西北十餘日始滅同治
七年九月十五日玉田有火光至空際化爲白氣長丈許其中有聲如鼓光緒
元年秋海陽有白氣突起移時始滅

清史稿

災異志五

洪範曰土爰稼穡不成則爲咎徵凡恆風羅晦冥花妖蟲孽牛旣地震山頽雨毛地生毛年饑黃眚皆屬之於土

順治二年七月湖州大風拔木三年二月孝感大風拔木五年六月無爲州大風壞屋拔木八月海豐颶風毀廬舍無算六年正月潞安颶風大作五月五河狂風晝夜不息大木盡拔八月惠來颶風大作四晝夜不息毀官署民舍七年二月阜陽襄陽漳南大風拔木覆屋九年五月東陽大風拔木十年八月澄海颶風大作舟吹陸地屋飛空中官署民房盡毀壓斃男婦不計其數從來颶風未有如此甚者十一年二月太湖大風毀城內牌坊六月全椒颶風大作屋瓦皆飛十二年六月石門大風拔木十三年五月章邱大風拔木十四年三月平樂颶風大作飛石拔木民房多傾頽六月石門大風毀民居十六年正月二十八日嘉應州大風拔木十七年五月慶元颶風拔木康熙元年八月初三日海

甯颶風三晝夜宜興大風雨拔木二年遂溪颶風拔木三年四月臨城大風傷人七月清河颶風壞廬舍無算慈谿大風雨大木盡拔八月嘉興颶風大作拔木飛瓦四年二月江陰大風拔木五月車陽大風雷雨并至拔木壞屋七月嘉應州大風拔木八月長樂大風拔木五年五月海陽颶風拔木八月澄海颶風傷稼六年四月信宜大風牆垣皆頽七年四月東陽大風雨壓倒民居七所拔木無算六年太平大風拔木七月瑞安大風毀城垣廬舍八年四月大治大風拔木六月海甯大風拔木九年春崇陽大風拔木五月全椒大風拔木六月安縣大風拔木三晝夜乃息七月武定大風拔木十年正月平遠大風拔木十一年七月榆社大風殺稼瓊州颶風大作官署民房悉圯無存毀城垣十五丈九月吳川颶風壞城垣廬舍十二年正月海陽颶風拔木壞屋八月十六日澄海颶風大作十三年二月桐廬大風拔木十四年二月武强大風殺稼三月玉田拔木十六年四月宜城大風拔木六月東陽大風屋瓦皆飛十七年六月武强大風揚沙拔木六月新城大風拔木十五年四月至六月澄海颶風屢作壞屋拔木十六年四月宜城大風拔木六月東陽大風屋瓦皆飛十七年六月武强

大風拔木十八年六月惠州大風壞文星塔頂十九年秋瓊州大風拔木二十一年三月望江大風拔木七月信宜大風拔木二十二年二月初五日單縣大風揚塵蔽天倏忽變幻五色二十三年正月清河大風拔木二十四年三月文登大風拔木二十五年四月漢中定遠大風拔木五月西充南充大風拔木六月岳陽大風拔木二十六年三月太湖大風拔木六月平樂蒼梧大風拔木壞屋七月蘇州崑山武進大風傷禾二十七年五月昌樂壽光大風拔木六月沁水大風拔木二十八年五月恩縣異風損壞城樓吹倒石坊二十九年四月郎陽大風拔木五月二十六日夜六安狂風暴起屋瓦皆飛大木盡拔八月黃岩大風拔木三十年三月甯陽大風拔木四月江浦大風屋瓦皆飛三十一年正月蓬萊大風拔木毀屋二月沛縣大風拔木毀屋五月東昌邱縣大風拔木六月高密大風拔木三十二年六月營山大風拔木風過草木如焚三十三年十月十六日鄒平怪風吹倒城垛六座三十四年秋長甯大風拔木三十五年七月二十二日青浦澤州大風拔木二十三日桐鄉石門嘉興湖州颶風大作民

居傾覆壓傷人畜甚多八月十一日海州大風雨民舍盡傾三十七年四月濟南大風拔木七月蘇州大風拔木三十八年春青州大風拔木六月南樂大風拔木四十一年八月開平颶風拔木倒牆十月乙酉東明大風拔木四十二年五月枝江大風拔木六月潮陽颶風傷稼四十四年四月崇陽大風拔木五月厯城霑化邱縣大風拔木四十五年六月二十夜什邡大風自東北來飛瓦拔木四十六年三月鄧平長山大風拔木四十七年五月惠民颶風大作毀民舍七月台州大風拔木四十八年四月太原大風毀牌坊八月定海大風雨孔子廟及御書樓皆圯四十九年三月中衛大風拔木五十年三月祁州大風毀南城樓五月安邱諸城大風拔木五十一年四月杏山颶風拔木八月寨城富川大風拔木九月北流大風拔木五十二年三月全州大風雨雹屋瓦皆飛大木盡拔六月潮陽大風壞北橋五十三年五月固安大風拔木六月順義大風樹木盡拔五十四年六月初一日潮陽颶風拔木五十五年閏三月朔解州大風拔木四月辛亥靜甯州大風拔木五十六年七月十九日掖縣暴風雨一晝夜

大木盡拔五十七年五月澄海颶風拔木六月湯溪大風拔巨木壞廬舍七月
日照黃縣大風雨一晝夜大木盡拔五十八年五月乾州大風拔木六月寶坻
大風拔木八月十九日夜碣陽颶風大作風中如燐火樹木皆枯澄海颶風大
作民房傾覆壓倒男婦無算五十九年正月陽春颶風傷稼六十年八月澄海
颶風大作如燐火毀城垣六十一年四月甘泉大風拔木五月慶雲大風拔木
十二月欽州大風雨吹塌城垣二十餘丈雍正元年四月平鄉大風拔木六月
岑溪大風拔木冬武甯大風拔木二年二月陽信霑化大風風中帶火四年五
月高淳當塗大風拔木六月灘縣大風雨壞民舍十二家五年七月鎮海颶風
大作毀縣署大堂九年二月連州大風雨拔木壞屋六月陽信大風拔木十年
七月南匯大風拔木八月海陽大風拔木十月泰州大風拔木十一年八月沂
州大風四晝夜十二年七月泰州大風拔木壞屋十三年八月高淳大風三晝
夜乾隆元年五月翼城大風拔木二年八月十五日平陽大風三年七月鎮祥
大風拔木五年三月通州大風拔木六月掖縣大風拔木六年四月平定樂平

孟縣大風拔木八年五月光化大風拔木十年三月棲霞大風拔木十一年七月十五日高郵大風拔木十二年七月崑山鹽城清河福山棲霞文登大風拔木覆屋十三年三月鶴慶大風拔木四月清河大風雨民舍傾圯無算五月泰州通州大風拔木十四年四月池州大風拔木六月高邑大風拔木十五年三月武昌暴風起江中覆舟無數六月武甯大風拔木十六年七月鶴慶大風十七年五月十一日長子縣王婆村大風雷田禾如爇屋瓦車輪有飛至數里外者十八年六月潮陽大風拔木七月雞澤大風拔木十九年七月陵川大風害稼二十年三月蘄州大風壞民舍二百餘間壓斃十餘人五月高平大風拔木七月昌樂大風拔木二十二年六月吳川颶風拔木壞屋七月孟縣樂平大風傷稼二十三年六月二十九日即墨大風一夜大木盡拔二十四年八月平定大風害稼二十六年三月潛山大風拔木壞屋二十七年三月十八日潯州颶風毀城樓七月嘉善大風拔木壞屋二十八年二月歙縣大風拔木覆屋壓斃人畜甚多三十年三月臨邑大風拔木三十一年七月黃縣大風拔木三十二

年三月文登榮成大風拔木五月濟甯州大風拔木三十三年二月安邱大風
捐麥六月十八日瓊州颶風大作毀官署民房無算三十四年五月東平大風
拔木秋嘉善大風禾盡偃三十五年六月祁縣大風拔木三十六年二月文登
榮成大風拔木三十七年八月十七日慶雲夜起巽風拔木無算三十三八年
秋永年蘭州大風雨拔木熟禾盡偃三十九年二月黃縣文登榮成大風連日
麥苗盡損七月榮陽大風拔木四十一年安邱大風蔽日風內有火光四十二
年四月山陽大風拔木四十三年二月光化大風拔木四十四年五月南宮烈
風雷雨樹木多拔四十六年六月金華嘉善大風拔木四十七年六月新城大
風拔木四十八年二月文登榮成大風拔木六月二十四日吳川颶風大作壞
官署民房及城垣四十九年二月平陰大風拔木五十年二月永昌大風拔木
五十一年正月文登榮成大風拔木五十七年七月壬戌蘇州大風毀民舍五
十九年七月桐鄉大風雨竟夜拔去大成殿前柏二株湖州嘉善大風拔木壞
屋六十年六月石門大風拔木嘉慶元年八月朔瑞安大風傾覆民舍壓斃男

婦九十一人二年六月武進大風拔木三年四月宜城大風拔木四年七月文
登大風拔木五年四月黃縣大風拔木壞屋六年二月初五日膠縣大風色黃
既而如墨八年二月黃縣大風拔木壞屋九年二月文登大風損麥十年六月
慶雲大風拔木十二年二月十七日肥城暴風天色忽紅忽黑一夜方止八月
邢台大風拔木十六年六月十二日靜海大風拔木摧折運糧船桅無算十七
年二月龍水大風拔木二十二年六月棗陽大風拔木二十三年四月臨榆大
風拔木六年永嘉大風拔木二十四年七月初八日平谷有怪風兼雨自南來
房舍皆摧折禾盡偃其平如掃二十五年七月樂清大風拔木道光二年六月
金華大風壞屋七月蘚州大風拔木壞民舍四年十一月十二日泰州大風拔
木兩晝夜不止五年六月羅田大風拔木六年二月二十六日黃縣大風拔木
五月肅州烈風拔木七月黃岩大風拔木折屋八年五月二十六日黃縣大風
拔木屋瓦皆飛十二年夏公安大風三晝夜拔樹無算十四年四月臨朐大風
傷禾六月黃岩大風拔木民居多壞十五年七月蓬萊黃縣棲霞招遠大風三

日大木盡拔八月曲陽大風害稼十六年六月二十九日灤州怪風毀南城樓
十七年八月昌平大風拔木二十年六月十九日縣大風自西北來拔大木
數百株二十二年八月潛江狂風大作飛石拔木壞民居無算二十三年七月
寧海暴風傷禾二十六年六月青浦大風拔木二十七年三月朔蓬萊大風拔
木六月日照大風拔木二十八年六月壬戌通州颶風大作毀屋七月十四日
永嘉大風兼雨連旬毀孔子廟及縣署十八日縉雲大風拔木十月武昌大風
起江中覆舟人多溺死三十年春灤州大風傷稼咸豐二年五月初五日肅州
大風拔木千餘株六月霑化大風拔木三年三月初三日宜昌大風拔木民舍
折損無算牛馬有吹去失所在者五月隨州大風拔木七月蓬萊黃縣大風拔
木七年六月寧津大風傷禾稼年四月清苑望都大風拔木八年四月華縣大
風拔木十年二月昌平怪風傷人六月房縣大風拔木十一年四縣西寧大風
拔木七月襄陽大風拔木同治元年二月初七日宜都大風拔木三月戊申惠
民大風拔木二年二月枝江大風覆舟無算五月寧津狂風拔木三年五月房

縣大風拔木六月嘉興桐鄉大風拔木四年正月宜城大風覆屋拔木六年五月高淳大風拔木七月蕩澤曹縣大風拔木九年三月嘉興府大風毀屋四月柏鄉大風毀屋十年三月湖州狂風驟雨拔木覆舟十一年六月二十七日夜日照大風雨偃禾拔木秋唐山大風拔木損禾十二年五月初六日固原大風壞城中回回寺十三年五月安陸大風拔木府學牆頽光緒元年六月皋蘭均州大風拔木七月日照臨朐大風傷稼二年六月黃岩大風拔木三年八月蕩澤大風拔木四年四月臨江大風覆舟無算五年五月蘄州大風拔木六月十四日寧海文登海陽榮成大風拔木壞屋二十四日萊陽怪風突起屋瓦皆飛民房被揭去樑棟椽柱不知所之拔大樹無算七年七月永嘉大風拔木八年三月孝義廳大風拔木九年三月初八日安陸大風拔木十一年五月光化大風拔木十二年六月涇州大風拔木十五年六月十三日灤州大風拔木壞屋十六年八月十五日固原大風拔木二十二年五月南樂大風拔木二十三年八月靖遠大風拔木二十七年六月金縣大風拔木二十八年四月初四日曲

陽大風拔木二十九年六月十七日洮州大風拔木三十年七月二十二日東
樂大風拔木

順治元年七月平原狂風晝晦二年十月全椒晝晦五年九月漢陽大風晝晦
六年四月莊浪風霾殺禾九月府谷風霾晝晦七年十月東明晝晦十二年春
樂亭風霾晝晦十三年七月高邑大風霾晝晦八月邢台風霾十四年二月陽
城黃霾蔽天屋瓦皆飛十六年四月朔萬州晝晦康熙元年正月朔長興晝晦
九月昌黎風霾二年正月蘆州晝晦四年正月朔蕭縣晝晦四月辛亥臨邑晝
晦七年二月咸甯晝晦十二年七月樂亭風霾十三年二月咸陽大風霾十餘
日三月朝城晝晦十四年三月二十六日冀州起異風自已至戌黃霾蔽天屋
瓦皆飛懷安西甯大風霾晝晦玉田大風揚沙拔木陰霾竟日十五年五月貴
州晝晦如夜十六年春清河風霾四十餘日二十三年四月朔朝城晝晦七月
望壁山晝晦二十四年正月二十三日文安大風霾晝晦如夜武邑黑風晝晦
二十五年二月二十七日鄆城黑風晝晦二十七年四月朔西寧龍門延安文

縣同日晝晦二十九年三月十九日廣宗風羅紅黃黑白互變四月初五日西
寧晝晦三十年三月初四日寧陽大風晝晦三十一年正月朔廣宗晝晦青州
浦縣邱縣大風晝晦二月朔邱縣大風赤羅晝晦廣宗晝晦三十二年二月十
七日邱縣大風羅空中望之如火十八日桐鄉大風羅十九日湖州大風羅三
十三年四月朔保安州晝晦三十四年四月肅州晝晦三十五年正月靜樂晝
晦二月十八日定陶黑風觸器有光行人不辨咫尺三十六年三月朔靖遠晝
晦三十七年四月龍門晝晦四十二年五月二十二日鞏縣大風晝晦四十四
年五月十八日利津陽信晝晦四十五年正月十二商河狂風晝晦四十七年
六月二十五日涼州晝晦如夜四十八年六月東昌大風羅蔽天四十九年三
月初七日中衛晝晦者四日六月初二日什邡晝晦五十年五月壬子諸城晝
晦五十一年二月癸亥東平東阿大風色紅黑自申至亥方止陽穀黑風晝晦
鄆城辛縣大風羅三月十六日鉅鹿風羅如火晝晦如夜六月十日恩縣赤羅
蔽天咫尺不辨人物十一月二十一日宿州晝晦五十三年二月二十一日井

陘風羅蔽天晝晦五十五年五月壽光臨朐大風晝晦五十七年五月二十二日新樂大風晝晦五十九年五月二十六日青城大風晝晦六月太平大風羅六十年夏邱縣大風羅連日六十一年七月元氏沁州大風羅雍正元年三月青州風羅四月初七日獻縣風羅晝晦恩縣夜起大風飛石拔木有頃黑羅如墨良久復變爲紅羅乍明乍暗遠曉方息泰安大風羅晝晦十一日高密高苑大風羅晝晦十七日邢台元氏大風羅拔木八月初八日掖縣大風羅晝晦二年二月初六日元氏大風羅八年正月十一日高苑大風羅晝晦乾隆二年二月初五日濟寧鉅野風羅晝晦三年正月十四日武寧晝晦五年五月高郵大風羅八年三月贛州晝晦十年三月蒲台大風晝晦十七年四月十八日祁州新樂風羅損禾十九年三月朔慶陽晝晦二十四年秋芮城大風羅二十五年二月初十日宜昌晝晦五月朔昌樂晝晦二十九年五月二十八日南陵晝晦三十二年二月初二日范縣晝晦二十四日南宮大風晝晦三十三年二月潞安大風晝晦三十六年二月朔太原大風晝晦初二日高邑大風羅晝晦三十

八年二月初八日濱縣大風霾五色晝晦三十九年春南宮多風霾四十九年
二月初二日菏澤風霾晝晦五十年二月二十五日臨清晝晦四月十八日南
宮叢强大風霾晝晦嘉慶元年三月二十六日宜城晝晦二年四月十四日濰
州大風霾晝晦三年二月二十九日濰州昌黎晝晦十一年十一月濱縣大風
五色晝晦十二年二月武强大風霾色黃復黑赤三月十二日東光大風霾十
五年正月十七日臨邑章邱新城風霾晝晦二十七日濱縣晝晦南樂大風霾
平地積沙二寸許二十三年四月清苑定州武強無極唐山臨榆大風霾晝晦
二十四年四月朔酉刻京師晝晦道光三年六月朔霸陽晝晦四年六月癸巳
沂水晝晦六年二月二十二日武强大風霾晝晦如夜二十四日南宮大風霾
晝晦凡三日濟南風霾晝晦十年三月二十八日中衛晝晦十一年七月十八
日曹縣晝晦十四年五月十二日即墨大風霾十六年正月朔樂亭風霾十七
年二月甲子濰州晝晦十九年三月初六日元氏大風霾二十年六月撫甯晝
晦二十二年六月朔太平黃岩湖州晝晦二十九年雲夢自正月至五月晝晦

凡六閏月三十年正月棗縣風霾十餘日咸豐元年五月丙午潔州大風晝晦
二年二月蓬萊大風晝晦三年三月十四日靈州晝晦翼日始明五年四月潔
州狂風晝晦六年四月南樂晝晦七年四月初二日景甯大風晝晦十一年四
月初四日曹縣紅霾晝晦同治元年二月二十六日霑化風霾日曠三月初三
日武強風霾晝晦二年二月崇陽大風晝晦三年六月菏澤大風晝晦四年正
月十四日棗陽晝晦五年正月二十八日霑化大風霾九年正月二十五日霑
化大風霾日曠十一年七月潔州大風霾十三年四月曹縣大風晝晦光緒三
年八月十五日菏澤曹縣大風晝晦十年五月十三日興山晝晦二十年二月
二十七日甘州大風晝晦二十八年四月初四日曲陽大風晝晦三十一年邢
台晝晦

順治四年九月新安桃李華五年秋太谷桃李華六年冬德平桃李華七年九
月階州桃再華十月銅陵桃李華十一年九月廣平桃李華十三年冬湖州桃
李華十五年十月甯鄉桃李華十七年冬唐山牡丹華康熙二年十月通州桃

李華四年十二月德清吉祥寺牡丹開數莖六年冬甯津桃李華七年秋肥鄉桃李華八年十一月西充桃李華十年八月唐山海棠華高邑丁香華十一年九月湖州桃李華十七年十月陽高桃李華二十六年八月新城桃李海棠華三十年冬濬江桃李華三十六年七月孟縣平定桃李華三十八年三月石阡府學宮桂再華四十三年冬曲沃桃杏華四十六年十月瓊州海棠再華五十四年冬蒲台李華五十六年十月甯津牡丹華六十年冬揭陽桃李華雍正三年冬順德桃李華八年冬通州桃李華九年冬高清桃李華十年八月通州桃李華十三年七月清河李再華乾隆三年秋曲沃桃李華七年冬至日崇明牡丹開九年冬桐鄉桃李華十年八月甯津桃李華十三年五月玉屏梅花盛開十四年八月鎮海杏再華十六年九月分宜高林寺牡丹開十八年九月新安縣署牡丹開花一朵十月又開十朵歷月不萎九月太原桃李華二十年春普安州桂花盛開二十四年九月潞安桃李華三十年九月高邑桃李華三十三年月和順桃李華四十三年九月新城桃李華冬石門桃桃華四十六年九月

臨邑桃李華四十九年十月桐鄉鳳鳴寺牡丹開二花單瓣紫色十一月金華
桃李華五十年秋通州杏再華六十年十二月樂清桃李華嘉慶四年九月邢
台桃李華六年八月陸川桃李華道光三年九月興國桃花盛開九年十月宜
城桃李華十七年冬望都清苑桃杏華二十二年十月崇陽桃李華二十四年
九月牒縣桃李華二十五年十月鍾祥桃再華二十九年秋餘姚桃花盛開三
十年九月竹山桃李牡丹華咸豐元年秋貴溪桃李華十月鄖縣桃李華四年
冬松滋桃李華五年十一月武昌桃李華九年秋崇陽桃再華十月宜昌桃李
華十年九月嘉興桃李華十一月麻城桃再華同治元年十月襄陽桃李華二
年冬通州桃李華四年冬房縣桃李華八年冬黃安桃再華十二年九月惠民
桃李華光緒元年十一月莊浪桃杏華四年冬武昌光化桃李華五年冬至時
高淳羣花齊放宛如春色六年七月歸州桃李華九月蒼溪桃再華九年冬興
山桃李華十二年九月南樂杏再華二十四年十月南樂桃李華三十一年秋
靖遠桃李華三十四年八月固原桃李華

順治十七年八月玉屏黑蟲蔽山草木皆盡康熙十年秋潮州蟲生五色大如指長三寸食稼十一年七月杭州雨蟲食穗十二年七月萬載蟲食禾十三年三月甯都屋上有生黑蟲者着人甚痛十七年七月崇明出兩頭蟲首尾皆喙曠草如刈十九年六月婺源青蟲害稼二十年二月鄖陽蟲災二十一年五月金華蟲災二十二年四月恩施蟲災二十三年五月渠縣有蟲數萬斛似蝗黑色頭銳有翅嗅之甚臭二十七年七月蘇州青浦蟲災二十九年四月沁水白黑蟲食禾結繭三十年三月萬載青蟲食禾三十六年遵化州生蟲似槐蟲而黑食稼幾盡三十九年貴縣生蟲食豆四十二年昭化有蟲如蠶食禾四十五年二月房縣蟲食禾夏霑化有蟲似螳螂而金色識者曰此蒼諸也見則歲凶四十九年五月井陘五色蟲生五十六年鶴慶蟲食禾五十七年夏新樂生蟲青色傷禾雍正二年七月鎮海麥莖生蟲頭紅身黑狀如蠶十年秋清河禾生蟲形似蛆有毛紅色乾隆十七年八月仁和蟲食稼二十年春臨安蟲災二十一年六月景甯有白蟲無數自南來二十三年秋海甯雨蠶二十四年八月武

邑有蠶蟲食禾根三十年十月嘉興蟲災三十八年春青浦河水生蟲色紅狀如蜈蚣長三四寸昏暮始見六十年正月平度蟲災嘉慶九年夏洛川蟲傷禾道光五年七月縣縣生五色蟲食禾殆盡咸豐元年六月崇陽蟲災九年五月蘇州禾田中出蟲名曰稻鼈同治四年秋秀水有青蟲如蠶喙黑卷葉作網十三年九月嘉興田禾生蟲食根似黑蟻蜂腰六足有鬚光緒二年八月甯津蟲傷稼十四年春泰安蟲災

順治元年二月萊陽民家牛產犢一體二首二年二月交城民家牛產一犢遍體鱗甲十年文縣民家牛產兩鱗十六年定州民家牛產鱗康熙五年南昌民家牛產鱗十三年七月巫山民家牛產一犢三目四耳舌端有缺胸列四蹄脊後分爲二身各二蹄一尾十五年池州民家牛產犢二首八足十七年六月鎮洋民家牛產犢兩頭二十八年九月餘姚北鄉民家牛產鱗狼項馬足膚身遍體鱗甲金紫相錯三十八年景甯民家牛產鱗雍正七年鎮海民家牛生一犢遍體鱗紋色青黑頸下有鬚項皆細鱗十一年五月鹽亭民家牛產一鱗高二

尺五寸肉角一長寸許目如水晶鱗甲遍體兩脊傍至尾各有肉粒如豆黃金色膚身八足牛蹄產時風雨交至金光滿院射草木皆黃十三年二月綿州民家牛產一犢首形如龍身有鱗紋無毛落地而殞乾隆四年盛京民家牛產鱗五年壽州民家牛產鱗一室火光衆以爲怪格殺之剝皮見周身鱗甲頭角猶隱齒也荊州民家牛產鱗遍體鱗甲二十二年崇明見三足牛前一後二嘉慶元年遂安民家牛產鱗二年平度州民家牛產鱗五年白河縣民家牛產一犢兩首雙項剖腹視之心亦有二道光十二年永嘉民家牛產犢兩首咸豐二年潛江民家牛產犢兩首七年黃岩民家牛產犢四首同治九年莘縣民家牛產犢兩首光緒十九年太平民家牛產鱗七年京山民家牛產犢三足前二後一識之者謂之獛三十四年皋蘭民家牛產犢兩首

順治元年九月翼城地震冬石首地震二十二年祁縣地震三次三年十月十日石埭地震四年四月全椒地震五年三月甲辰涇陽三原臨潼鳳翔地震戊辰又地震四月二十四日榆社地震八月潞安地震有聲六年正月南樂地震

二月初六日陸川地震四月高平陽城地震七年八月初十日高淳地震八年正月丁卯蘇州崑山地震六月高平地震九年正月元旦潛江太湖地震十五日貴池地震屋瓦皆飛江波如盪二月十五日池州額上阜陽五河全椒地震二十四日宿松地震二十六日銅陵地震七月贛榆地震九月霍山六安地震十年正月廬江地震六月乙卯鎮洋地震七月海豐地震九月樂陵地震十月二十一日貴池地震二十四日復震十一月二十三日五河地震十一年正月朔潛山望江石樓貴池銅陵舒城廬江地震五月廬江又震四月初六日蕭山地震五月初八日寶雞定遠沔縣地震壞屋壓人六月興安安康白河紫陽洵陽蘭州鞏昌慶陽等處地震聲如雷壞民舍壓死人畜甚衆八月初五日陽穀東昌地震次日又震初八日辰刻朝城地震申刻復震十二年正月初七日陽湖營山地震二月庚申崑山婁縣地震十三年三月初八日中部地震十四年三月朔成都威州汶川地震二十五日西充地震次日復震七月富陽地震十五年二月二十四日惠來地震五月二十三日武進地震八月二十三日蘇州

崑山上海青浦地震十一月安塞地震有聲十六年正月二十八日鎮平地震
二月初八日揭陽地震七月十七日石埭貴池地震聲如雷十七年八月曹縣
兗州地震十二月二十三日雒南商南地震十八年正月兗州地厥震康熙元
年正月二十五日伏羌地震三月初四日西甯龍門宣化赤城保安州等處地
大震人皆眩仆六月十七日太平地震七月十一日蒼梧容縣岑溪地震十一
月二十二日威縣地震二年正月二十五日鍾祥地震次日復震五月二十一
日咸甯地震六月望日東安地震十二月鶴慶地震三年三月初二日保安州
龍門地震初三日懷來灤州地震五月開平地震八月十七日萊陽地震二十
三日安邑解州地震九月丙子崑山地震十一月二十一日順德地震四年二
月初四日平陰地震三月初二日京師地震有聲初四日景州地震四月十五
日灤州東安昌平順義地震二次房垣皆傾七月十七日大城地震五年二月
二十二日開平地震次日又震三月初八日交河地震七月十七日虹縣地震
城傾數十丈民舍悉壞九月二十六日揭陽地震十二月丁未蘇州地震六年

正月初四日陽春地震四月十二日揭陽地震六月十七日慶雲地震八月十四日邢台內邱地震聲如雷九月二十三日永年威縣地震七年四月金華地震五月癸丑子時京師地震初七月初九初十十三又震六月十七日上海海鹽地震窗廊皆鳴湖州紹興地震壓斃人畜次日又震桐鄉嵊縣地震屋瓦皆落十八日香河無極南樂地震自西北起戛戛有聲房屋搖動十九日清河德清地震有聲房舍皆傾七月二十日錢塘地震二十五日潛江地震八年九月甲午寅時京師地震有聲九年四月初六日安縣地震五月初七日揭陽地震七月己未吳江震澤地震有聲八月初七日開建安邱地震十一月冬至前一日鄒縣地震十年九月初九日保安州地震十一年三月初三日陽曲地震五月丙寅沛縣高密地震六月二十四日高唐地震七月二十八日廣平地震八月癸亥蘇州地震九月丁亥平樂地震十二年二月十二日廬州地震聲如雷屋舍傾倒四月初四日臨縣高淳地震七月二十三日寶坻霸州萬全地震九月初九日懷安赤城西甯天鎮紹德陽地震十二月湖州地震十三年二月初七

日保德州地震八月三十日隴州懷安地震九月初九日府谷地震十四年六月十二日曹州府屬各州縣同時地震十五年七月十五日婺源地震十一月初四日蘇州地震有聲十六年五月十四日合浦地震六月階州地震數日乃止十七年四月初五日蘇州鎮洋上海清浦崇明地震初七日海鹽地震屋瓦傾覆七月二十八日京師地震十月初五日安平地震十八年三月二十三日鎮洋地震六月朔榮城甯海文登地震二十八日濱州信陽海豐靈化地震七月初九日京師地震通州三河平谷香河武清永清寶坻固安地大震聲響如奔車如急雷晝晦如夜房舍傾倒壓斃男婦無算地裂湧黑水甚臭二十八日宣化鉅鹿武邑昌黎新城唐山景州沙河甯津東光慶雲無極地震八月萬全保定安肅地屢震九月襄垣武鄉徐溝地震數次民舍盡頽十月潞安地震十一月遵化州地震有聲如雷十九年四月二十五日瓊州地震十一月廬陵地流地震有聲九月貴州地震十月初十日平遠州潞城地震十一月初三日東

流府谷地震二十一年十月初五日襄垣地震初六日潞安地震初十日介休
地震民舍多傾倒二十二年五月十五日龍門地震七月初五日定襄地震壓
斃千餘人十月初五日保德州地震人有壓斃者十一月朔瓊州地震二十三
年五月封川地震十月初五日普州地震十一月初七日合浦地震二十四年
二月庚子永安州平樂地震十二月二十四日蓬萊福山文登地震越二日又
震二十五年七月十七日宜都宜昌地震十月初五日井陘地震二十六年九
月丁亥丑時京師地震十月十六日蓬萊棲霞地震聲如雷月餘乃息十二月
朔無爲地震二十七年四月臨潼咸陽地震二十八年正月十八日瓊州陸川
地震三月初十日又震六月朔榮成文登地震二十九年二月杭州地震七月
臨汾襄垣地震九月襄陵地震三十年三月十六日慶雲地震三十二年三月
十九日海豐地震二十日又大震壞民舍三十三年二月初八日巢縣地震八
月雞澤地震三十四年正月朔瓊州雷州全州柳城地震十五日巢縣地震四
月初六日光化縣恩縣邱縣徐溝太平真陵孟縣交城地大震臨汾翼城浮

山安邑平陸震尤甚壞廬舍十之五壓斃萬餘人八月平原地震三十五年正月二十一日巢縣地震三月十五日南陵地震四月甲午沛縣地震九月辛巳京師地震三十六年正月朔巢縣地震三月三日又震三十九年三月十六日貴州地震十八日黃岡地震四月陽江地震四十年三月十二日長子地震四十一年正月鶴慶地震十一月乙酉京師地微震十二月二十三日瓊州地震四十三年七月十三日涇陽地震壓斃人畜無數八月二十日東光地震四十四年正月十三日平遙地震八月丁酉京師地震九月十六夜慶雲地震四十五年二月丙辰京師地微震四十六年七月初四日蘇州地震十月興甯地震十一月又震四十七年正月朔曲沃地震五月十七日嘉定地震六月十二日鳳翔地震九月十二日寧陝廳地震十三日永年地震十月十一日邱縣地震四十八年九月初二日保德州地震十二日涼州西甯固原甯夏中衛地震傷人靖遠大震壞民舍二千餘間城牆倒六百六十餘丈壓斃居民甚多四十九年三月十四日靈台環縣地震八月初三日黃岡地震五十年九月十一日景

甯地震十月十一日平樂地震五十一年九月十二日慶元江浦地震十一月
又震二十五日高淳儀徵丹陽地震五十二年四月棲霞地震七月全獨地震
五十三年三月十四日甯州地震九月初八日湖州地震五十四年正月十四
日鎮海地震五月二十一日岐山地震五十五年二月曲沃地震八月枝江地
震五十六年五月二十八日公安石首枝江地震五十七年五月二十七日翼
城地震六月初八日海陽地震五十八年春泰安地震五月十一日盤厔丹陽
地震六月朔德州陽信霑化廣靈地震七月十六日榆次懷來地震八月復震
民居倒塌無數密雲東安地震有聲如雷六十年六月初八日青城地震六十
一年八月初四日江安地震十一月順德地震雍正三年十月環縣地震壞廬
舍四年六月二十一日宜昌地震八年平鄉地震五年五月二十日鍾祥地震
六年二月初五日吳川地震五月橫州地震八月蔚州地震七年六月十七日
德州地震八月十三日富川地震聲如雷八年四月十六日宜昌地震八月十
九日京師甯河慶雲甯津臨榆薊州邢台萬全容城涿水新安東光滄州同時

地震十月二十六日上海地震二十八日蘇州震澤婁縣青浦地震十一月二十八日嘉興湖州桐鄉地震九年九月初二日海陽地震二十二日又震十月秦州地震十一月初八日海州地震二十一日普宣地震十年正月初三日西昌縣會理州德昌河西迷易三所地震十一月通州地震十一年七月十八日海陽地震十一月黃岡地震十二月宜昌地震十三年二月蒲江地震六月十六日銅陵地震十月十三日潮陽海陽地震十二月初一日清遠地震十三年七月十七日夜富川地震二十日桐鄉地震有聲如雷九月慶遠府屬地震十一月光化地震乾隆元年七月朔臨清地震初七日定陶地震十五日平原夏津地震十一月二十四日黃山福山文登榮成地震二年五月初十日宜昌地震有聲七月二十五日雞澤地震有聲九月初七日高平地震十月二十四日長子地震三年十一月二十四日芮城襄垣安邑安定綏德州天鎮地震二十五日靖遠慶陽甯夏平羅中衛地震如奮躍土皆墳起地裂數尺或盈丈其氣甚熱壓斃五萬餘人四年三月二十四日昌化地震十一月二十四日岐山地

震五年三月萬全地震八月赤城懷安地震十一月二十四日清潤地震聲如雷是夕連震八九次屋舍傾圯六年十二月正甯地震有聲八月二十四日昌化地震九年正月光化地震十年四月初四日浮山地震五月初六日高淳地震十一年五月增城地震有聲六月丁丑京師地震十月廣濟地震有聲十二年三月初九日鶴慶地震十月壬午同官地震十三年五月歷城長山地震十二月環縣地震十四年正月初三日鶴慶地震十三日又震二十九日復震三月二十八日蒼梧地震十五年十二月庚午同官地震十六年二月奉議州地震十七年二月崖州地震四月又震四月初四日嘉興湖州桐鄉地震九月十二日惠來地震十八年八月兗州地震十九年四月慶元太原地震五月蒼梧地震二十年十一月婁縣青浦地震十二月庚子蘇州湖州桐鄉地震屋瓦皆鳴二十一年二月二十二日荆門州地震聲如雷五月十四日青城地震聲如雷九月朔陽信地震十月十六日青浦桐鄉地震二十二年十一月十六日歙縣地震次日復震二十三年三月二十七日永平地震聲如雷二十四年九月初

五日象州地震二十五年十一月二十日潞安長子地震二十六年三月十一日嘉興地震有聲二十八年五月甲申蘇州湖州地震二十九年正月丁巳蘇州湖州地震五月二十八日溧水地震十月初二日南宮地震三十年正月甲寅蘇州地震二月十一日文登榮成地震七月初一日鳳翔地震十八日又震伏羌地大震倒塌屋舍二萬八千七百餘間壓斃七百七十餘人三十一年十一月初二日南宮地震三十二年五月二十二日臨淄地震六月二十日文登榮成地震七月二十五日南宮地震十月十六日婺源地震三十三年二月南陵地震三十四年六月二十五日蒼梧地震七月十一日吳川地震八月初七日蒼梧地又震十二月二十日武進潛山合肥地震三十五年正月溧水地震十二月二十二日麻城地震三十六年七月十五日慶雲地震三十八年七月二十八日臨清地震二十九日陵川地震三十九年九月青浦地震十月東阿地震四十年十一月十一日陵川地震十二月二十八日屏山地震四十二年四月初七日祁縣地震四十三年三月光化地震九月九日吳川地震有聲如

雷初十日陸川地震次日又震四十四年八月二十日湖州地震四十六年三月十六日樂清地震四月十六日瑞安地震四十七年六月庚寅蘇州地震四十九年十一月光化地震五十年三月初八日永昌地震六月初五日武城地震八月初十日黃縣文登地震五十一年五月十一日鹽亭遂甯地震五十四年三月十七日嘉興地震二十日又震九月二十日瀘關地震壞民舍人有壓斃者五十五年正月初八日濟南地震八月二十四日樂清地震十月初六日文登榮成地震五十六年正月初九日濟南地震二月二十一日吳川地震有聲五十七年五月癸卯蘇州湖州地震五十九年正月武強地震三月臨邑地震六十年十一月二十五日嘉善地震嘉慶元年正月樂清地震地裂湧黑水二月諸城地震二年六月十三日灤州地震三年八月嘉善地震四年正月二十五日文登榮成地震十二月臨榆地震五年二月二十六日昌黎地震七年九月崇陽地震八年二月紫陽地震十一月宜春地震十年二月十二日灤州地震六月六日邢台地震有聲如雷十一年十一月十四日黃縣地震十八日

又震十二年四月初十日甯津東光地震九月十二日麻城地震十三年九月
慶元地震十五年十月十五日縉雲地震十六年二月二十三日永嘉樂清地
震四月初九日文登地震八月初十日打箭鑪百利甘孜綽倭地方地震震斃
夷民四百八十一人十八年六月安定地震八月郎縣地震九月十一日永嘉
地震十月初二日平樂地震有聲二十年四月十九日光化地震七月朔甯津
東光地震九月十一日樂陽地震越十日又震宜平立原地震十月二十一日
湖州地震二十一年六月十四日東光地震秋均州地震二十二年四月初八
日文登榮成地震聲如雷二十三年十一月十五日膠縣地震二十四年七月
二十五日貴陽地震九月縉雲地震十月十二日黃縣地震十六日又震二十
五年正月十九日鎮番地震聲如雷四月貴陽地震六月二十二日南宮地震
道光元年三月晦日撫甯地震六月紫陽地震三年三月宜都地震六月文登
地震七月定遠地震四年十一月十四日枝江地震五年六月保康地震六年
正月晦日章邱地震二月二十四日枝江地震四月初四日宜昌閻家坪裂五

尺許廣四丈餘六月貴陽地震七年二月鄖縣地震七月甯津地震十月章邱
新城長清地震八年八月興山地震十月二十三日黃縣地震九年五月初四
日宜城地震十月二十二日博平莘縣地震青州臨朐地震十餘日方止民舍
傾倒壓死數百人二十三日黃縣卽墨平度濰縣長清章邱地震十年四月二
十二日南宮平鄉地震閏四月二十二日元氏新樂菏澤曹縣等處同時地震
房舍傾圯人有壓斃者十月十六日武定地震二十四日又震十一月朔黃安
地震有聲十一年三月撫甯地震四月臨邑地震九月武進地震十二年九月
二十三日臨邑地震十三年四月十八日定遠廳漁渡壩陷十餘丈十月二十
四日鄆縣地震十五年七月初三日高淳地震十七年十月辛亥臨朐地震十
八年二月興安地陷水湧如塘十九年九月乙卯青浦地震戊戌武進地震二
十年正月二十三日隨州地震屋瓦皆動二十二年正月十四日高淳地震九
月即墨地震二十三年三月初八日棲霞地震二十四年八月二十五日甯海
地震十月壬戌青浦地震二十五年六月辛丑青浦蘇州地震十月十四日嵊

縣地震屋舍搖動二十六年五月十一日嵊縣地震六月十二日湖州定海地震十月丁巳青浦地震二十七年十月辛亥蘇州地震二十八年六月十四日永嘉地震十一月初七日縉雲地震二十九年三月初五日撫甯地震三十年三月二十八日枝江松滋地震咸豐元年正月甲辰青浦地震二月江陵公安地震五月黃安地震六月朔瀘溪地震二年四月十二日應山地震十八日中衛地震湧黑沙壓斃數百人十月初六日黃岩太平嵊縣地震十一月壬子蘇州青浦地震三年正月黃岩地震是年屢震三月辛亥壬子蘇州地震辛酉又震四月初五日通州地屢震二十三日元氏地震七月景州地震四年五月安福地陷廣數丈深不可測九月朔江陵地震十二月初四日鍾祥地震五年正月辛酉青浦地震九月戊寅又震十月辛卯又震十二月朔棲霞地震初五日黃縣地震六年五月初六日來鳳地震武昌縣百子畈地裂七年四月興國地震九月鉛山地震十月永豐地震十二月二十六日蓬萊地震有聲如雷自是屢震八年正月二十七日蓬萊地復震十餘日始止自七年至八年凡震三十

餘次十二月宜黃地震九年三月恩施地震十年七月初八日枝江地震十一
年五月二十五日棲霞地震八月朔甯遠地震同治元年六月十二日應城地
震有聲三年三月庚午青浦地震四年正月二十九日鍾祥地震二月初四日
復震五年八月十三日景甯地震九月十四日青田地震六年二月初一日鍾
祥地震三月十五日江陵地震八月太平地震十二月又震七年六月初三日
均州光化鄖縣地震七月初三日隨州安全岩地陷水湧十年四月襄陽地震
十一年六月十九日高淳地震八月十九日嘉興柏鄉地震十二年正月二十
六日肅州地震十三年三月二十日靈化地震光緒元年九月皋蘭地震三年
六月丁亥青浦地震四年十二月二十八日襄陽地震五年五月初十日隴右
諸州縣同時地震十二日光化地震十三日京山地震六年十月光化地震七
年四月太平地震五月又震十月二十日東光地震二十五日復震醴縣地震
震斃四百八十人傾倒民房四千有奇牲畜無算十一月初二日西甯丹噶爾
廳地震八年二月初八日西利地震七月南樂望都地震九年十二月二十二

日甯津地震十年十月二十二日東光地震十一月二十九日西利地震十一年九月二十七日武昌地震十三年十二月甲戌河州地震十四年五月初五日霑化潔州地震十五年八月靈川地震九月又震十六年正月二十八日西南地震十九年四月十九日西甯地震傾圮民房二百餘間人多壓斃二十一年十二月初四日山丹地震二十三年正月二十四日蘭州地震二十七年春靜寧州地震二十八年十二月除夕永昌地震二十九年五月二十九日曲陽地震

順治元年十一月十二日鹽亭山崩三年四月河源桂山崩六年四月兩當山崩壓斃人畜無算蘭溪大慈山崩七年六月武昌馬山崩八年四月二十六日黃縣萊山巨石崩聲聞數里六月安邱土山裂丈餘廣二尺餘深不可測翼日乃合八月己巳同官王益山崩九年五月馬平槎山崩十六年秋成都蘿雨錦屏山崩康熙元年秋蕭山大雨小山崩平陸山崩塞雨四門山崩兩當暴雨山崩二年七月河州大雷雨井溝山崩壓死居民二十餘口九月灌陽大營山崩

六年四月二十一日開建大紫山崩台州臨海大雨山崩十五年七月辛丑同
官濟塞山崩壓死四十餘人十九年八月初二日平湖雅岩裂二十年正月天
台方山崩五月十二日宣平大菜山陷三十五年十二月二十七日保德州康
家山崩四十一年秋寶雞壅兩山崩四十二年四月初六日太原奉聖寺山移
數步四十七年保縣熊耳山崩雍正七年三月崖州南山崩八年五月興安大
雨山崩狄道鳳台山崩十年六月富川西嶺山崩數處乾隆四年十一月十四
日泰安縣北山崩十年七月十二日百泉山崩壓斃二十五人十五年五月英
山岩崩裂六月棠陰大雨西北山崩十六年二月奉議州東晞露村山崩裂有
聲如雷六月十二日秦州仁壽山崩十七年二月忻城山崩有聲如雷二十
年八月秦州邦山崩三十八年五月慶元白馬山崩三十九年六月雲和大雨
山崩壓斃四人四十一年十二月雲和五樹莊山裂數百丈五十七年五月宜
黃山崩壓斃數十人六十年四月慶元蓋竹山崩嘉慶五年六月二十一日義
烏壅兩山崩二十三日金華大雨山崩九年正月新城北屯山崩二十三年七

月初五日狄道州東山崩壓陷田地三十餘畝八月永嘉大雨西山崩陷地丈
許二十四年五月東湖山崩道光元年夏新昌上方源山裂三年七月甲戌蘇
州玉遮山裂四年六月定遠廳五塊石山崩壞市壘民舍六年六月宜昌大雨
山崩十一年六月狄道州黎家崖山崩壓斃二十餘人十二年七月漢城槐木
溝岩崩十三年四月十八日招遠羅岩崩一角聲聞數里十四年正月十五日
麻城磨石岡巨石裂數塊有聲如雷十五年六月定遠廳霍母豬硐山崩十
八年十一月恩施山崩二十四年九月星子五老峯右岩崩墜有聲如雷二十
七年六月十七日西甯縣北川郭家塔礮山崩南川田家寨山崩七月皋蘭縣
山崩十月宜山崩二十九年五月二十四日黃岡大崎山裂數十丈年餘漸合
咸豐元年六月禮縣審兩山崩袁家崖山崩裂聲震如雷縱二尺許橫二百丈
十月興山仙侶山崩二年六月朔狄道馬銜山裂平河大雨山崩壓倒民房無
數三年三月十六日雲和山裂一百丈六月二十六日景寧大雨山崩壓斃七
十三人鄖縣青岩崩裂十餘丈保康大山崩移十里許毀田廬無算永嘉大雨

龍泉村山圯覆屋壓傷十九人四年七月雲和山崩壓斃三十餘人五年四月
大通縣塔破山崩六年五月初八日來鳳大壩路獨甚山崩壓斃三百餘人九
月松陽大雷雨山崩數十丈同治四年七月固原山崩漢陽鋪有平石寬長丈
餘高四尺忽自行里許始止十三年七月十二日宣平北門山崩八月十一日
西松西山崩走入城中壓倒城垣二百四十餘丈民房九十餘處壓死四十九
人光緒元年正月朔酉甯西川陰山崩七月舊洮州東明山崩三年六月河州
紅崖山崩壓斃二百餘人牲畜無算五年五月文縣山崩九年三月光化馬窟
山裂十二年六月河州草領山崩十九年五月狄道州皇后溝山崩壓斃十三
人二十年二月二十七日河州東八部蘭山崩二十二年二月河州哈家山崩
二十三年八月甯遠大夫溝山崩二十六年六月漳縣還山崩靜甯州南五台
山崩河州王家山崩二十七年六月皋蘭五泉山三台閣山崖崩三十一年七
月二十四日洮州泉古山崩三十二年五月洮州莽灣山崩七月芽坡山崩三
十三年五月甯遠小村槽山崩宣統元年六月十五日秦州雒家川南山崩

順治五年三月上海遍地生白毛四月婁縣地生白毛六年六月杭州嘉興地
生白毛八月初三日萊陽兩白毛七年六月蘇州鎮洋震澤青浦地裂生白毛
九年十月初四日永嘉雨繁康熙七年六月上海海鹽湖州平湖甯波地生白毛
長尺許七月臨安餘姚地生白毛長尺許八月永嘉桐鄉地生白毛八年八
月開化縣地生白毛十月義烏也生白毛十四年三月瓊州地生白毛長寸餘
十七年十月二十六日鎮洋兩白毛如雪片四十六年太平地生毛乾隆二十一
八年南陵地生毛白質黑穎二十九年五月武進地生白毛長數寸四十一年
婺源地生白毛嘉慶十九年七月青浦遍地生白毛如髮二十三年三月宜城
地生毛或白或黑長尺餘咸豐元年江陵地生白毛長三寸許二年五月青浦
地生白毛三年四月武進地生毛六年夏青浦地生毛七月武進地生毛九月
桐鄉地生白毛九年十月武昌地生毛同治元年七月高陽地生毛四年六月
羅田遍地生蒼白毛長三寸許即墨地生毛五年十一月潛江地生黑毛長三
寸江陵地生毛六年三月德安地生毛八月京山地生毛或黑或白長尺餘十

月隨州地生白毛七年春應山地生毛夏黃安地生毛光緒四年冬光化地生毛

順治元年春荆門大饑冬鄖縣大饑二年襄陽襄陽光化宜城大饑人相食三年太平瑞安崇陽大饑四年蘇州震澤嘉定太湖潛山石埭建德宿松江山常山大饑五年春廣州鶴慶高明大饑人相食夏惠來大浦嘉應州興甯陽春梧州北流大饑斗米可易一子冬全蜀饑六年全蜀仍饑灌陽平陽大饑七年夏榆林青田饑秋永甯州襄垣萍鄉大饑冬阜平饑八年春平湖袁州萍鄉萬載饑夏壽陽靜樂饑九年春蘇州大饑夏黃陂孝感天門饑民多爲盜十年夏興甯長樂博羅陽江陽春饑冬六安饑十一年臨榆樂亭新樂饑十二年夏臨川沁州饑秋武邑甯晉饑冬金華東陽永康武義湯溪五縣饑十三年春琅州饑秋東安饑冬烏程壽光饑十四年樂亭饑十五年永年撫甯昌黎慶雲雞澤威縣饑十六年春陽信海豐莒州大饑夏膠州饑十七年夏遵化州饑秋獨山州大饑民多餓斃冬深州饑十八年春興甯饑夏南籠府大饑秋臨安饑康熙元

年吳川大饑二年合肥饑三年春揭揚饑秋交河南晉饑四年春曹州兗州東昌大饑夏惠來饑秋懷遠饑冬烏城饑六年應山饑七年無極大饑十年夏海鹽大饑秋臨安東陽大饑十一年永康峽江大治饑秋遂安湯溪大饑十二年樂亭大饑十三年春興甯鎮平京山大饑十四年東光饑十五年春大治饑夏連平饑十六年春嘉應州大饑夏鄖縣鄖陽鄖西大饑十七年秋曲江饑十八年春正定府屬饑夏興甯長樂嘉應州平遠饑秋無爲合肥廬江巢縣博興樂安臨朐高苑昌樂壽光大饑冬滿城饑十九年春江夏大饑夏大同天鎮饑冬萬泉遵化州滄州饑二十年夏儋州永嘉饑二十一年春桐鄉饑冬信宜正定保安州饑二十二年春宜興饑秋單縣饑二十三年春濟甯州剡州費縣饑秋巴縣江安羅田饑二十四年春沛縣饑二十五年秋恭城大饑冬藥城大饑二十六年博興大饑二十七年秋蔚州饑二十八年春高邑文登饑夏濰江大饑秋龍門饑二十九年夏黃岡黃安羅田蘄州黃梅廣濟饑秋襄垣長子平順饑三十年春昌邑饑秋順天府保安州正定饑三十一年春洪洞臨汾襄陵饑夏

富平盩厔涇陽饑秋陝西饑三十二年夏慶陽饑秋湖州饑三十三年沙河饑
三十四年畢節饑三十五年夏長甯新安葵城饑秋大埔饑三十六年夏廣甯
連平龍川海陽揭陽澄海嘉應州大饑秋慶元龍南潛江西陽江陵遠安荊州
鄖西江陵監利饑三十七年春平定樂平大饑人相食夏濟南常陽莒州沂水
大饑三十八年春陵川饑夏婺源費縣饑秋金華饑三十九年秋西安江山常
山饑四十年靖遠饑四十一年春吳川大饑夏沂州刻城費縣大饑冬慶雲饑
四十二年夏永年東明饑秋沛縣亳州東阿曲阜蒲縣大饑冬汶上沂州莒
州兗州東昌鄆城大饑人相食四十三年春泰安大饑人相食死者枕藉肥城
東平大饑人相食武定濱州商河陽信利津霑化饑兗州登州大饑民死大半
至食屋草昌邑即墨掖縣高密膠州大饑人相食四十四年鳳陽府屬饑四十
五年春漢川鍾祥荊門江陵監利京山潛江沔陽鄖縣鄖西饑四十六年秋東
流宿州饑四十七年平鄉沙河鉅鹿饑四十八年春無爲宿州饑夏沂城刻城
邢台平鄉饑秋武進清河饑四十九年阜陽饑五十年通州饑五十一年古浪

饑五十二年春蒼梧饑死者以千計夏長甯連平合浦信宜崖州柳城饑五十三年春陽江饑冬漢陽漢川孝感饑五十四年夏臨榆饑遵化州大饑人食樹皮五十五年春順天樂亭饑五十六年春天台饑五十七年廣濟饑五十八年春日照饑夏靜甯環縣饑五十九年春臨潼三原饑夏蒲縣饑六十年春平樂富川饑夏邢台饑秋咸陽大饑冬兗州府屬饑六十一年夏井陘曲陽平鄉邢台饑夏蒙陰沂水饑秋嘉興金華饑冬懷集饑雍正元年夏通州饑秋嘉興饑二年春蒲台大饑夏樂清金華嵊縣饑冬英山饑三年夏順德膠州饑冬惠來饑四年春嘉應州饑秋澄陽江饑五年冬江陵崇陽饑七年壽州饑八年夏肥城武城饑冬銅陵大饑九年春肥城大饑死者相枕藉莒州范縣黃縣招遠文登饑夏章邱鄒平大饑冬濟南大饑十年崇明海甯饑十一年冬上海嘉興饑十二年秋武進大饑十三年秋慶遠府屬大饑冬垣曲饑乾隆元年夏海陽饑三年秋平陽饑四年春葭州饑夏碣石饑五年鞏昌秦州慶陽等處饑六年甘肅隴右諸州縣大饑七年春山陽饑夏宜都饑秋亳州饑八年春南昌饒州廣

信撫州瑞州袁州贛州各府大饑夏天津深州二十八州縣饑九年高邑大饑
十年正定賤皇無極藁城元氏等縣饑十一年春霑化饑夏慶雲甯津饑十二
年曹州博山高苑昌樂安邱諸城臨朐饑十三年春曲阜寧陽濟甯日照沂水
饑夏福山棲霞文登榮城饑棲霞尤甚鬻男女十四年春安邱諸城黃縣大饑
餓殍載道鬻子女者無算十五年秋廣信饑十六年春福山棲霞饑民多餓死
夏南昌廣信饑冬建德饑十七年春全州饑夏同官洵陽白河饑冬房縣饑十
八年春慶元饑秋鄆縣饑十九年羅田饑二十年溧水通州饑二十一年春青
浦東流湖州石門金華饑夏沂州武城饑冬濟南府饑二十二年夏博白饑秋
掖縣饑二十三年春翁源蒼梧饑夏日照饑二十四年秋隴右諸州縣大饑三
十五年平定潞安長子長治和順天門饑二十六年江夏隨州枝江饑二十七
年春濟南饑夏崇強慶雲饑二十八年夏永年永昌大饑二十九年秋東光大
饑三十年春桐廬饑秋吉安廣信袁州撫州饑冬威遠饑三十一年濟南新城
德州禹城饑三十二年冬池州大饑三十三年夏沂水日照大饑三十四年溧

水太湖南淳饑三十五年蘭州鞏昌秦州各屬大饑三十六年夏會甯肥城大饑秋新城甯陝廳饑三十八年秋文登榮成饑三十九年秋秦州鎮番大饑四十年溧水武進高郵南陵大饑四十二年秋陸川饑四十三年全蜀大饑立人市鬻子女江夏武昌等三十一州縣饑四十四年春南漳光化房縣隨州枝江饑夏秦州屬饑四十五年秋江陵保康饑四十七年溧州昌黎臨榆饑四十八年春黃縣饑秋綏德州饑四十九年春葭州饑夏來鳳饑五十年春宜城光化隨州枝江大饑人食樹皮夏章邱鄒平臨邑東阿肥城饑秋壽光昌樂安邱諸城大饑父子相食五十一年春山東各府州縣大饑人相食五十二年臨榆大饑五十三年秋文登榮成饑五十四年夏宜都饑五十五年秋禹城饑五十六年邢台等八縣饑五十七年唐山甯津武強平鄉饑民多餓斃五十八年春常山饑五十九年清苑望都蠡縣饑六十一年春蓬萊黃縣棲霞饑夏麻城饑嘉慶五年夏海陽饑六年文登榮成饑七年冬樂亭饑八年夏秦州各屬大饑九年春滕縣饑十年夏黃縣邢台饑十一年春中部通渭饑冬安陸饑十二年薊州

昌黎永安州饑十三年夏黃縣饑十五年秋甯津東光章邱饑十六年夏霸州
保定文安大城固安永清東安宛平涿州良鄉雄縣安州新安任邱灤州蔚州
饑十七年春登州府屬大饑秦州各屬及鎮番永昌等處大饑夏臨榆饑冬樂
清饑十八年春肥城東阿滕縣濟甯曹縣諸城饑冬宜城房縣竹溪均州保康
饑十九年春宜城安陸保康麻城鄖縣饑夏襄陽漢陽棗陽南漳饑秋高淳饑
二十年清苑饑二十一年武昌縣饑二十二年固安武強內邱饑二十五年秋
樂清永嘉饑道光元年秋榮成饑二年夏深州饑三年春東阿饑秋曲陽饑四
年皋蘭靜甯西甯鞏昌秦州等處大饑五年秋南樂靜海文安大城寶坻饑七
年春日照大饑八年太平饑十年冬江陵饑十二年春昌平饑夏襄陽大饑人
相食冬鍾祥潛江漢城蕲州黃梅江陵公安監利松滋饑十三年春諸城日照
大饑民流亡夏保康鄆縣房縣饑人相食秋深州撫寧饑十四年春歸州興山
大饑人相食夏莊浪及秦州各屬饑秋青浦饑冬定海饑十五年春諸城饑秋
孝義廳大饑十六年春登州府屬大饑冬太平饑十七年冬卽墨饑十八年夏

永年饑十二年冬灤州樂亭撫甯饑二十一年夏高淳饑冬枝江饑二十一年
冬蔚州饑二十三年秋湖州饑二十六年秋平涼縣饑二十七年南樂饑人相
食二十九年夏江陵公安石首松滋枝江宜都大饑餓死者無算冬青浦饑三
十年春湖州咸寧崇陽饑咸豐二年春日照大饑夏全縣大饑六年黃縣臨朐
饑七年春肥城東平大饑死者枕藉魚台日照臨朐亦饑人相食夏清苑元氏
無極邢台大饑八年秋興山饑同治元年春樂亭饑二年春孝義廳饑秋江山
常山饑三年保康饑四年春薪水饑民有鬻子女者五年蘭州饑人相食六年
春莊浪金縣皋蘭饑七年春即墨孝義廳藍田河縣饑夏涇州大饑人相食冬
平涼靜甯古浪固原靈台秦州永昌等處大饑八年春日照饑九年夏上饒饑
十年秋望都樂亭饑十三年秋雄縣饑冬山丹饑光緒元年冬海州饑二年春
日照海陽潔州饑三年高陵大饑餓斃男婦三千餘人靖遠平涼涇州靈台禮
縣文縣合水大饑四年唐縣等四十州縣饑莊浪階州成縣靈州鞏昌秦州各
屬饑六年秋邢台饑七年通州等州縣饑九年秋鶴峯州大饑十一年夏霑化

饑十三年冬洮州永昌饑十五年春魚台饑二十一年春邢台灤州饑二十二年夏太平饑二十三年甯津饑二十四年冬靖遠靜寧莊浪丹噶爾饑二十五年秋文縣饑二十六年夏靖遠饑二十七年冬洮州靜寧靈台饑二十九年洮州仍饑三十三年秋皋蘭饑

順治十五年六月遂安雨黃沙康熙元年十一月曹縣雨土數日三十一年正月襄垣雨土三十七年四月龍門雨黃沙四十八年九月邱縣黃埃障天六年春安定雨土乾隆四年三月甘泉雨土十六年三月十五日忠州夜雨黃土着人物皆黃二十四年二月初七日薊州雨黃土三月永年雨黃土四十八年三月十四日寧陝廳雨土五十年二月十五日臨清雨土五十一年正月文登榮成雨土五十九年二月二十六日翼城雨土嘉慶十四年冬泰州雨土二十三年四月唐山雨土二寸許道光四年春宿化雨土咸豐三年二月棲霞雨土三年二月二十九日宜城雨黃沙三月蓬萊雨土